

# KWĨYĨBWA KWAMWĀMBĒPO



Lilino une ngwitika, lilino une ngwitika,  
Fyosa ifindu fibagile, lilino une ngwitika;  
Lilino une ngwitika, lilino une ngwitika,  
Fyosa ifindu fibagile, lilino une ngwitika.

<sup>2</sup> Unko uswe tusyāle twīmīlile itolo pakabalilo lilino ku Lisyu lya Ntwa. Unko uswe tusanukile kwa Amosi, u nsololi Amosi, untu gwa 3, ukwānda ni lināndi lya 1.

<sup>3</sup> Une ngulōnda ukupālisya Kalumbu Juanita kangi Anna Jeanne na Kalumbu Moore, panongwa ya bukobelo bwa nyīmbo ubumogi bula. Ikyēne kyālindwēle une kunyuma, bo une nālītūgēsye ukukilania kula nukupilikisya ku kēne. Une ninogonāga, akabalilo kāko abēne bāli na uswe, bikwimba mu lusasio, Nkundwe Jack na une twayobāga, abalindwana bala bāli balindwana banini, itolo balindwana banini kalongona-ntāndatu, ikindukimo bo ikyo, ndindwana. Lilino, une ngwīnogōna, Kalumbu Anna Jeanne ali na bāna bahano, kangi Kalumbu Juanita alinabo—alinabo. . . u māma gwa bāna babili. Kangi uswe naloliloli tuli kifuki fiyo ku bwīngilo bwa lisuba, bakīkulu, ukukinda mūmo uswe twāli akabalilo kala, ukufwana ifyinja kalongo na ntāndatu ukukīndāna. Patisakuya patali, uswe twisakukilania kula, akabalilo kalwimiko kala.

<sup>4</sup> Lilino mwa Amosi u ntu gwa 3, unko uswe tubāle.

*Pilika i lisyu ili u Ntwa ayobile ukulwāna na umwe, O bāna ba Israeli, ukulwana ni kikolo kyosa iki une nātwele pala. . . ukufuma ku Igupto, nguyoba,*

*Umwe mwēbēne mbāmēnye Une. . . ifikolo fyōsa ifya kīsu: polelo Une nisakufūndaga umwe panongwa. . . ubwīnu ubutulwanōnga.*

*Ngimba babili babagile ukwēnda palikimo, pene pāpo abēne bītikisēnie?*

*Ngimba i ngalama yisakubūna mmatēngēle, akabalilo kāko yibōmbile yēgile akakukola nakamo? ngimba ingalamu ingeke yisakulila panja pa mbako, linga umwēne akēga nakamo?*

*Ngimba injuni yibagile ukugwa ndutāmbō pa mfu, mūmo sikayamo iseke kuli umwēne? ngimba yumo isakupikulāga mmwānya u lutāmbō ukufuma pa mfu, kangi bo ēgile nakimo ukufuma ku lwēne?*

*Ngima i ngangabwite yikupūtigwāga nkāya, kangi abāndu balingayaga bikutīla? ngimba mwisakuyamo ikibibi nkāya, kangi u NTWA nalōli akakibōmba ikyēne?*

*Naloliloli u Ntwa... atisakubomba nakimo, loli umwene ikusetula ifyakubutitu fyake ku babōmbi bāke a basololi.*

*I ngalamu yibōmbile yibunile, ywāni atisa kutīla? u Ntwa... abōmbile ayobile, ywāni abagile lōli ukusololo?*

Unko uswe twīnamisye imitu gyitu.

<sup>5</sup> Ntwa Yeso, tukulāmba iki, i Lisyu Lyako, Ntwa, tulyaga uswe nubulilanisi ikilo iki ukusyūngutila akayabo aka. Uswe tukusuma, Ntwa, ukuti Ugwe kutupaga uswe inongwa ku lisimbo, ukuti uswe twisakwēga ukufuma apa, kangī ikyēne kilitwālāga uluyīndiko kwa Ugwe. Tusayaga uswe bo uswe tukugūlila, Ntwa, ikilo iki, pa Lisyu Lyako. Bumbulusyaga ababine na bonywa. Pokaga abayōnge. Paga amaka gu bōnywa, Ntwa, aba bikuya bōnya, mosa-mubili mumbili kangī mwambepo. Kangī tupapo uswe ukonelēla ukukulumba kwa Kuyapo Kwako, kabuno uswe tukusuma ikyene mu Ngamu ya Yeso. Ameni.

<sup>6</sup> Une ngunyonywa ukwēga ubusīmbe, ukufuma ku iki, ikilo iki: *Kwīyībwa Kwamwāmbēpo.*

<sup>7</sup> Komma ukwībwa, kilabo, ulwene lo lwīpūto lwa babīne kilabo. Uswe tukugulila u Ntwa ukubomba ifindu ifikulumba, kilabo pamusi pa sala ya bubili, kuko uswe... akabalilo kako uswe tukwānda ubulumbilili bwitu. Undumiana isakuyaga apa ukupa amakadi ga lwiputo. Kangī aligwēsa isakwiputilāga aba bikulōnda ukwīputilīgwa. Kangī uswe tukugūlila akabalilo akakulumba, kilabo, mwa Ntwa.

<sup>8</sup> Lilino umwe bandu muli apa, mukuyāta ukufuma panja pa kāya. Kumbukilaga, filipo ifinunu, ifipānga ifya Nongwainunu yōsa mōsa ukukīnda nkāya. Ugwe gwāmbililīgwe kyo fyōsa ifya fyēne.

<sup>9</sup> Une nayobaga itolo ku yumo mwa batīmi ababōmbelalumo bāngu, panja, ikwingila itolo, Nkundwe Jackson, kubwāndilo kyāli kipānga kya kiMethodisti, ukufulukā a kāka pamo tubili pāsi pa uswe.

<sup>10</sup> Kangī balinga aba bali apa aba bikubōmbēlalumo ni kipanga, unko uswe tukēte amaboko ginu, kulikosa. Mwe, une naloliloli—naloli nhobwike ukuya na umwe pāsi. Ulu lo lukomano lwakifuki ukukinda syosa isi une njilēko ku Indiana pa kabalilo katali. Une ngwinogona isya kugomokela, lululu ulu, nukusumusya mmwanya i kihēma nukuya ni Ngangabwite ihano-na-ibili sila isyabumalikisyo, u Ntwa ikwitikisyyaga.

<sup>11</sup> Polelo, lilino, loli kumbukilaga kilabo. Komma ukwiibwa ikyēne, kilabo pa sala ibili. Kangī, lilino, ububōmbelo bwītu bwīsa kwānda undungu ugu gukwīsa, mu Tampa, Florida.

<sup>12</sup> Lilino une ngulōnda ukuyoba pa: *Kwīyī... Kwīyībwa Kwamwāmbēpo.*

<sup>13</sup> Lilino, umwinitu unnini uyu uyu uswe tukuyobapo, Amosi, itolo ku kabalilo, ukwèga ulwālo lwītu bo tukāli uswe ukwèga ubusímbe bwītu. Aka kāli kabalilo ka bukabi ubukulumba mu Samaria. Israeli ākabīle. Abēne nalolilōli bābūkīle ukukōnga i kīsu kangī bākābile.

<sup>14</sup> Komma akabalilo kosa ubukabi bo kimanyilo kya sayo syamwāmbèpo, lōli utubalilo tumo pa bukīndāne. Abāndu bikwinogona lumo ugwe kufimbilisigwa ukuya nafyo ikilūndiko kya ifyombo fyankisu, kangī kikubonesya ukuti Kyala yo ikukusaya ugwe. Ikyo kikaya kyābwanalōli. Utubalilo tumo ikyēne kyo njila iyingi.

<sup>15</sup> Loli uswe tukwaga, umwene, uswe tutikumanya fiyo isya mwinitu unnini uyu. Umwene, uswe tukaya nasyo isyambukulu, kūko umwene ikufumilako. Uswe tumenye umwene, ukufwana ni Lisimbo apa, umwene yo ntima-fitīmo, lōli Kyala ālinsūmwīsyē umwene mmwanya.

<sup>16</sup> Une mbagīle ukwinogonela ngukēta, ilisiku limo ilipyāno mu Samaria mula, kamo mwa twāya utukulumba utwabayāti utwa nkīsu ku lisiku lila. Kyo kindukimo pa lubatīko lwa, uswe tubagīle ukuyobaga, Miami, pamo—pamo Hollywood, Los Angeles, gamo mwa mabuyo ago bo gala, amabuyo gamo amakulumba kuli abayāti. Kangī uswe tubagīle itolo ukwinogonela tukumbona umwēne. Umwene akālimo siku nkaya bo aka. Lōli, umwēne āli ni Lisyu lya Ntwa, umwēne īsaga ku kāya akakulumba aka kūko ubutulwanōngwa bwālūndikigwe pa lubafu lulilōsa. Abalumbilili baasokilemo mu Lisyu lya Kyala, kangī abēne bakāli nayo unsololi mu fyinja fingi.

<sup>17</sup> Kangī polelo umwinitu unnini uyu, bo umwene ikufyūka a kamba, itolo mu luko lwa kululu lwa Samaria, une mbagīle ukwinogonela ukunkēta umwēne, ilisuba ilipyano likumulika pāsi, kangī indefu syake isyambuha pamwanya pa kisyo kyake, kangī ifisīge fyāke ifinini fyāning'īle, kangī ugwāke unnini, untu ugwākipāla gulinkumulika, bo umwēne ākētāga pāsi pamwanya ka kāya kala. Kangī ifisīge fyāke filinkuning'a. Umwēne akākētāga ku ifi abayāti bwīla bikukēta, ukubūka ku kāya kamo nukukēta fyōsa fya kwīsangulusya fyāke ifya bumogi. Umwēne alinkukēta nukukēta kyo kyakukēta nki iki a kāya kala kālisile ukuya, a kāya aka akabalilo kamo kāli kāya ka Kyala, kangī kāfikile ukuya mbuhūni ububole ubwa luko bo ubo. Fyōbēne . . .

<sup>18</sup> Uyu unnini, unsitakumanyigwa umwīnitu āli Amosi u nsololi. Kangī lilino uswe tukamanya fingi fiyo ifyakufwana nu mwēne. Uswe tukamanya kūko umwēne āfumileko. Abasololi bwīla bikwīsa pa buyo, basitakumanyigwa, bikusōkāpo injila yilayila. Uswe tutikumanya kūko abēne bikufumilako, kuko abēne bikubuka, tutikumanya isya lwalo lwabo. Kyala itolo ikubafyusya abēne mmwanya. Umwene akaali fingi-

fiyo mma ukunketa, loli umwene aali na ISI SYO IKUTI UNTWA. Ikyo kyo kindu ikinywamu fiyo iki une nguketa. Ena, umwēne isile ku Samaria ukwānda nukwanda ulusasanio lwake. Une nsisimikisye umwene akāli nu bwītikisanio ukufuma kwa nayumo. Umwēne akāli ni likādi lya bulilanisi ukufuma ku kipānga-kipāgūke kilikyōsa. Umwēne akāli nafyo ifyakumbagilila ukunāngisya kibugutila nki umwēne āfumilēko. Kangi, lōli, umwēne āli ni kindu kimokyene, umwene āli ni Lisyu lya Ntwa kuli kāya kala.

<sup>19</sup> Kangi une nguswīga, linga uswe twābagile ukumpimba Amosi, umwīsyūgu, ukusuluka ku kabalilo kītu, une nguswiga linga umwēne ikwambililīgwaga nkāya kītu umwisyugu. Une nguswiga linga uswe twābagile ukummwambilila umwēne, pamo ngimba uswe tukubombelaga itolo bo abene bābombile. Uswe tukwāga utwāya twītu nkati mbubōle bulabula. Kangi uswe tukwāga ukuti ubutulwanōngwa bo itolo bukulumba pakati pa bāndu, bo ubwēne bwāli akabalilo kala. Kangi une nguswīga, linga uyu unnīni, unyāmbala unsitakumanyigwa, bulebule umwēne isakwāndāga ulusasanio lwāke? Bulebule, kūgu ngimba umwēne isakwāndilāga? Kyo kipānga nki umwēne ikubūkako, pamo ywāni isakwitikisaniāga nu mwēne? Umwēne akāli nako nakamo akakubonesya kuko umwene afumilaga, umwene akāli nakyo nakimo na panandi loli ISI SYO IKUTI UNTWA kuli a kāya kala.

<sup>20</sup> Umwēne ābāgile abēne babolile fiyo kangi fiyo babolano ndwīho, akēne kāli kabalilo akakulumba. Abakīkūlu nkāya kala bālisile ukuya kifuki bo abene bali mu United States. Abene bālisile ukuya babōle. Kilikyosa iki Kyala āsubilaga ukufuma ku bene, abene bābūkile kulakula injila iyingi. Kangi—kangi uswe tukwaga ukuti ubwene bwali buyo ubukulumba kūko abēne bāli ni fimogo pa lukindi, abakīkūlu nubuhuni bikufūla imyēnda gyābo, na fyōsa bo ifyo, ngati fula-ugila. Ena, kila kyāla kisangalusi kyapakilūndilo mmasiku gala, lilino ikyēne kyo ilisiku lililyōsa. Itolo unko ubukye buye bupyāno, kangi ugwe utikulōndigwa ukubūka ku kyakubonesya kilikyōsa. Abēne bo bali mōsa pa lukindi, kulikōsa, mulimōsa. Isoni pa umwe bakikulu, ukubomba ikindu bo ikyo! Ngimba ugwe ukaya ni soni pa gwimwene?

<sup>21</sup> Kangi polelo—kangi polelo une ndinkuyoba ikyo ku nkīkūlu apa, pakaya patali mma, kangi umwene alinkuti, “Fiki,” umwēne alinkuti, “Nkundwe Branham,” alinkuti, “ikyo, ikyo kyo—ikyo kyo itolo bo bosa abakīkūlu.”

<sup>22</sup> Une ndinkuti, “Loli uswe tutikulōndigwa ukubombela bo abandu balibosa mma. Uswe tukīndēne. Uswe yūswe a—a bakine bakīndāne.”

<sup>23</sup> Kikungumbusya une isya nkikulu, alinkuti, “Ena, Nkundwe Branham,” uyungi yumo alinkuti, “Une—une—une ndikufwala i bundu sila.” Alinkuti, “Une ngufwala isulubali.”

<sup>24</sup> Une ndinkuti, “Ikyo kyo kibibipo.” Uu! “Kyala äyobíle, ‘Ikyène kyo mwiko,’ mmaso Gåke, ‘kuli unkikulu ukufwala umwenda ugwakufwana bo unnyambala.” Uko ko katikati kutalusya.

Yumo alinkuti, “Ena, abène batikupela imyenda igĩngi mma.”

“Abène bakåli bikutëndéka amakina ga kusonela nukuya ni findu.”

<sup>25</sup> Kukayapo nakumo ukulēya. Ikyene kyo itolo iki kili mu ndumbula. Ikyo kyo iki kikunångisya panja. Ikyene—ikyene kikwilingania kyene.

<sup>26</sup> Kangi lilino uswe tukwåga, nkåya aka, akène kålísile ukuya kabole ndwího. Abalũmbilili båtílåga ukuyoba kalikõsa akakufwåna ni kyène. Kangi, loli abene båli na kanini, aka akinitu akanini akaiyolo aka kakufyuka pa kåmba, kåsåga ukubabũla abène ISI SYO IKUTI U NTWA, “Pyågila ikĩndu iki mõsa, pamo umwe mwisakubũka mbutumwa.” Kangi umwene åli nu bũmi ukukéta amasiku ga busololi bwake bufwanikisigwe. Umwène åsolwile mmasiku ga Jeroboamu u Gwakibili, uyu yo åli itolo ntagigwe-pånja, mulimõsa; umwène—umwène afiganile ifikolo ifingi. Kangi—kangi unnini uyu Amosi åsolwile nukubabula abene, umwene alinkuti, “Yu Kyala yulayula uyu ugwe kwiyobela ukumbombela imbombo, Umwene isakukukonanga ugwe.” Kangi Umwene åbombile.

<sup>27</sup> Kangi linga a masyu gake gikuyaga apa ikilo iki, mu... mu Birmingham, ilylene ångali likufumusya ikĩndu kilakila ku fipanga. “Yu Kyala yulayula uyu ugwe kwiyobéla ukuya ukumbõmbile, isakubõnangåga umwe ilisiku limo.” Une ndikuyoba ku kilundilo iki apa. Amatepi aga gikubuka ukusyungutila ikisu. Lilino, kumbukilaga, ikyo kyo kyabwanaloli.

<sup>28</sup> Polelo umwene alinkusyagania, akabalilo kako umwene isege nkaya, ukuti umwene... ifindu fyosa ifi, une nguswiga mumo umwene åbagile ukwipilikila ukukéta nukububona ububole bula ubwa båndu ba Kyala, kwa båbo umwène åtumĩgwèko.

<sup>29</sup> Une nguswiga linga uswe twåbagile ukummwambililaga umwene lilino? Linga umwène ikwisaga, ångali uswe—ngimba uswe tukumbombelaga-palikimo nu mwène? Ngimba uswe twåbagile ukumpa umwene ubu—bwitu ubununu ukukinda bosa? Ngimba uswe twåbagile ukumpa umwene ubutego bwitu? Ngimba uswe ångali tukupĩndúkåga linga umwène åtubũlile uswe ukuti uswe tukufimbilisígwa ukugomokela ku Lisyu lya Ntwa kangi ukubõmba injila iyi u Ntwa åyobile?

<sup>30</sup> Une nguswiga iki abakalumbu bitu båbagile ukubomba ukufwana ni nywili syabo isengigwe? Ngimba abène ångali bikusileka inywili syåbo sikule kångi, linga Amosi isile pala?

Umwene āngāli ikulumbilila ikyene, kangi une ngubabula umwe ikyo, panongwa yakuti ilyo lyo Lisyu lya Ntwa.

<sup>31</sup> Une—une nguswīga linga abītu—abītu abalindilila aba bikubīka pala abadiakoni, aba bēgile katatu pamo kana, kangī—kangi na fyosa bo ifyo, nukugela ukuya badiakoni, une nguswīga linga ifindu fyōsa ifi, Une nguswīga iki umwene abagile ukubomba ku nnyambala uyu abagile ukumwitikisya unkasi gwāke afwalege ibundu nukusoka panja mu lukindi panja pala, nukusēnga ulubīngilo, pānja mu lubīngilo, akabalilo kāko abanyāmbāla bikukīsānia? Une nguswīga iki umwēne āngāli ikuyoba ku nnyāmbāla bo uyo?

<sup>32</sup> Umwene naloliloli āngāli ikulūnduma ikyene na fyosa ifi fyāli mwa umwene, kabuno umwene āli na ISI SYO IKUTI U NTWA, kangī umwene alinkutoligwa ukubomba nakimo loli kila. Umwēne ābāgile abēne mu lisiku lila ni nōngwa imbībi iya mbūngo yimo, ukwīyībwa kwāmwbēpo, kangī ikyo kyo itolo katikati iki uswe tuli nakyo umwīsyūgu.

<sup>33</sup> Lilino, ngimba umwēne āmēnye bulebule iki kyāyāga pakuboneka? Ngimba Amosi āngāli ikumanya bulebule? Ikyākwaṅda, umwēne āli nsololi. Kangi, ikīndu ikīngi, umwēne āmēnye ukwīsila mu mbūngo iki ubulīngānio bwāli, kangī umwēne ābagile ukumanya iki ikyakukōnga kyāli.

<sup>34</sup> Linga u ngānga ikukēta pa bwīsūle kangī ikukēta ukuti ukyakwīsula kila kibōmbile kyēgile ubukolelelo, umwēne amēnye kikayapo nakimo lōli ubufwe busyēle. Ikyo kyo kyōsa, pene pāpo Kyala ikubōmba ikindukimo ikyā ikyēne.

<sup>35</sup> Ena, akabalilo kāko ugwe kukēta ku kāya, kangī ugwe kukēta ku bandu, ugwe kukēta i kipanga, kangī kēta ku bandu aba bali kubutali fiyo ukufuma kwa Kyala, kikayapo nakimo lōli ukwāga lōli, “Butulwanōngwa! ‘Kangi imifwālo gya butulwanōngwa bo bufwe.’ Ikyēne kikufwa.” Ubwāgambūngo bukusisimikisya iki ikyēne kili. Umwe mukētile, akabalilo kāko abandu bikusōkako kwa Kyala kangī batisakupilika ku Lisyu, bakaya nu kinyonywo kāngi mma kuli i Lisyu, polelo buli ubwāgambūngo bumobwēne ku kyēne, “‘U moyo ugu gukōnānga, u moyo gula gwisakufwa.’ Ukusitakwitika kwisa kukupāgūla ugwe ukufuma kwa Kyala.” Uko ko katikati kotalusya.

<sup>36</sup> Ukuti, umwēne iki imbūngo, iki ikyākukōnga kyāli, akabalilo kāko umwēne āyibwēne i mbūngi ya—ya butulwanōngwa nkāya kala.

<sup>37</sup> Lilino, ikwīyībwa uku, uswe tukubūligwa ikyēne kyo i—i—i...kukupela ugwe ukuya ku buyo kūko ugwe ukabagila ukwīlīngānia gwīmwbēne. Lilino, ikyēne kyo kīndu ikisitakwīsibiligwa. Ikyēne kitikuboneka kingikingi fiyo mma, lōli ifyakupela fyō fikufuma ku lutēnde. Ikyēne kyo munduyumo uyu atikumanya nāyūyo umwēne ali. Ugwe kukyaga ikyene

ukufuma ku mabwĩte, utubalilo tumo, abasikali bikukyega ikyene. Utubalilo tumo a bandu bikukyega ikyene. Ikĩndu ikĩngi kikipela ikyēne, kyo kupāsyā. U kupāsyā kwĩsakupela ikyēne.

<sup>38</sup> Ukupāsyā kukaya nagamo nu bunoge ku kyēne, na panandi. Ena, itolo—itololo—itololo nyēla u kupāsyā, kangi itikisya u lwĩtiko.

<sup>39</sup> Yumo alinkuti, “Mulimōsa, lilino, bule linga ugwe kuyaga pakutusuliligwa ndubunju, ngimba ugwe ukābagile ukupasya?”

Une ndinkuti, “Umma, komma ukwinogona lulo.”

“Fiki?”

Une ndinkuti, “Ukupasya kukābagile ukubomba akandu kamo lōli kukundēdeka une ukuya mbubibipo.”

“Mulimōsa, kyo kinununki iki ikyene kikubombaga ukuya nu lwitiko?”

Une ndinkuti, “Ikyene kibagile ukūmboñēsya une.” Kangi uko ko kutalusya, muketile.

<sup>40</sup> Popāpo ukupāsyā kukaya nu bunoge nabumo kukyēne, na panandi, lōli ulwĩtiko luli nu bunoge. Itika!

Lilino ukupāsyā utubalilo tumo lukupela ikyēne.

<sup>41</sup> Kangi ikĩndu ikĩngi iki kikipela ikyēne nkati mbāndu, kyo ukuya pakati pa mĩnogōno mabili. Ikyo kĩsakupela u kwĩyĩbwa. Kangi ikyēne kikufikisya ugwe pa buyo kũko ugwe—ugwe, naloliloli, iki ugwe ubōmbile, ugwe utagile ubwĩnogonelo bwāko. Ugwe utagile aminogono gako. Ugwe ukabagila ukutendeka... Ugwe ukamanya ukuti ugwe gwe ywani. Ugwe ukabagila ukwilingania gwimwene. Ugwe ubagila ukwendendeka ukusyungutila, ukulya na filifysa, loli, ugwe, pōpe ugwe ukabagila ukwilingania gwimwene. Ugwe uli nabo ubumanyi bwāko bwāsukulu, ugwe ukabagila... ubumanyi bulabula ugwe gwāli nābo, lōli ugwe ukamanya kũko ikyēne kifumileko, ugwe utikumanya ukuti ugwe gwe ywāni, kũko ugwe kumyāko kuli. Ikyo kyo kwĩyĩbwa, momūmo uswe tubūligwe.

<sup>42</sup> Uswe tukulĩnganisigwa ni fikolo fyĩtu, mbūmi bwa būndu ubu, ukwĩsila mbwēgi. Kangi na bakasi bĩtu, uswe tukwēga, kangi ifikolo fyĩtu fikulĩnganisigwa ukwĩsila mu bumobwēne bwa bwĩtu—bwĩtu—bwĩtu ubwēgi. Kangi polelo, kyo kiliku ukwinogona, bule linga ikĩndu ikinyali iki kikubonekaga kwa ugwe kangi ugwe ukabagilaga ukukumbukila uyu ugwe gwālyēgēne, ywāni u nkasi gwāko, bo baliku abāna bāko, ywāni yo gūso kangi nyōko, yo ywāni umpalamani gwāko? Ikyo kikuyaga i—i kindu kibibi.

<sup>43</sup> Polelo uswe twe tulinganisigwe, kangi, tubagile ukwilingania twibene mu luko lwa bandu, ukwĩsila ukuya na mahala kangi—kangi ukuya nkĩndāne ukufuma ku būmi bwa finyamana. Ikinyamana kikabagila ukwinogona, umwene itolo ikubūka ni fyōgo. Umwēne akaya nu moyo. Kangi, lōli, uswe tuli būmi bwa kinyamana. Iki kikutupela uswe ukuya

bakindáne . . . Uswe twe bālibéle, lōli fiki . . . Ikyālibèle kila kyo kinyamana ikilūngule-lilopa, kangu uswe tuli mbubonekelo bwa kinyamana. Loli iki kikutupela uswe ukuya bakindane, uswe tukulinganisigwa ukuya nu moyo, amabyebye aga gikutubūla uswe iki kyo kitalusye kangu kisobi.

<sup>44</sup> Lilino apo po bulipo ubuyo, akabalilo kāko ugwe kwegu iki ukwīyībwa, ugwe ubagīle ukufika ngati Nebukadnezara, ikyēne kyāli, yūyo ālifyūsisiye mwēne akabalilo kamo, kangu Kyala alinkundeka umwēne īnogōne āli kinyāmāna kimo. Kangu umwene aalitūgēle mmatengele kangu—kangu ukulya ilisu bo ngambako. Kangu—kangu inywili syake—syake syākūlile ukusuluka umbili gwake, ukufwana mayoya ga swanga, kangu umwene alinkuya ndumbula ya kinyamana mwa mwene. Muketile? Kula kwāli kwīyībwa, panongwa yakuti umwēne ālibwībwe ukuti umwēne āli mwālafyāle. Umwēne ālibwībwe ukuti umwēne āli mūndu. Kangu umwene inogonaga ukuti umwene aali kinyamana, polelo umwene aabombelaga bo kinyamana, panongwa yakuti umwene aalibwībwe umwene aali mundu.

<sup>45</sup> Ikyo kyo kipepe fiyo, umwisyugu. Kangu uswe tukwībwa, utubalilotumo, iki i Kipanga kya Kikristi kili. Uswe tukubombela bo kikisu kyapasi. Ikyo kikunāngisiya ukuti uswe tuli nu kwīyībwa kwāmwāmbēpo, panongwa yakuti ugwe utikubōmbēla ngati Nkristi. Ugwe kubōmbēla ngati kīsu. Ugwe kwambilila i ndumbula ya kīsu, kangu ikyēne kikutēndēka iki.

<sup>46</sup> Apa uswe—uswe tukwāga ukuti Israeli āywēlwile, aywēyuligwe ku kīsu, kangu āgwīle nkati mu nkolofwa gula. Kangu u nsololi uyu ātumigwe ukubakumba abēne ukufuma mu kyēne, linga umwēne abagīle, nukubabūla abēne. Kyala, ukwisila mu lipyana Lyake, alinkusala Israeli ukufuma ku fyosa ifikolo. Ilipyana lyabombile ikyo. Umwēne ābapēle abēne ifīsu ifisāligwe. Umwēne ābapēle abēne imiyūmba igi abēne bakāfimbilisigwēmō ukuyēnga siku. Kyala ābōmbile ikyo, ābasalile abēne. Umwēne ābapēle abēne imigūnda igi abēne bakālyūlilēmō siku. Umwēne—Umwēne ābapēle abēne, Umwēne ābapēle abēne ifyākūlya ifi abēne bakabyēlēmō siku. Umwēne ābapēle abēne ifisiba ifi abēne bakākūmbilēmō siku. Umwēne ābapēle abēne amabupōnjōli aga abēne bakapōnjwīlēmō siku. Umwēne ābapēle abēne ilipyāna ili abēne bakabagilīlēmō siku. Kyala ābōmbile ikyo ukwīsila mu ipyāna Lyāke kuli abāndu bāke, Israeli, Gwāke unsāligwa, Gwāke unganigwa.

<sup>47</sup> Kangu Umwene alinkuti, mu li Bangeli, “Umwene alimmwagile umwene mu ngunda, ukuya ndindwana unnini itugele mu lilopa lyake lyene, kangu Umwēne āmōsyāga umwēne nukunsuka umwēne mōsa, kangu iki Umwēne ābōmbīle. Lōli bo Kyala anāngisiye ifisa fyōsa ifi ku mwēne, umwēne alinkuya nkabi,” umwēne alinkuya nu kwīyībwa, kwīyībwa, “kangu umwēne ālibwībwe fyōsa ifya kūko ifindu ifi fifumileko.”



48 Une ngwinogona ikyo kyo kifwāni kya U.S.A., 1964. Ikyēne kikubīlwa ni mbungo yilayila. Uswe twe fipanga ifikulumba ifyamaka. Uswe twe bandu bakulumba, abandu bamaka. Uswe tuli maelifu-elifu mu mbalilo, kangu uswe tukwibwa kūko ifindu ifi fifumileko.

49 Abēne bāli mbūngo imbībi ya ikyēne. Ukufuma pāpo Kyala āli nnūnu ku bēne, nukubatwala abēne ukufuma ku fisu fyāpanja fyōsa, nukubapela abēne bāndu bapāgulīgwe, ukubapāgūlania abēne ku Mwēne. Umwēne alinkuti, “Umwēne ālyēgīle umpesa ukufuma ku kīsu ikīngi kangu ābyēle ugwēne mōsa nkīsu ikingi, kangu mōmo Umwēne ākitēdekisye ikyēne ukusyūngūtila ukutēdeka ikyēne ukukusya ikipaso nukuya kya kupaseke, lōli u mpesa gula gwālibwībwe kūko isayo syāke sifumileko.”

50 Momūmo babōmbile abāndu ba Kyala, mmasiku aga agābumalikisyo, bībwbwe iki ubukēti bwa kuya Nkristi bukusanusya. Ikyēne kyo kāngi, ukwīyībwa uku kwisile ukuya pa bāndu. Abēne bakabagīla ukwīlīngānia bēne.

51 Abēne, abēne bālibwībwe fyōsa ifya Ikyēne. Abēne bālibwībwe ubwikēmō Bwāke. Abēne bālibwībwe u lulagīlo Lwāke. Abakikulu bitugasasyaga bo balibosa ba abakikulu.

52 Kipanga kya Kyala kangu abāndu Bāke akabalilo kōsa bāli, “Abāndu abapāgulīgwe, a—a bakōlelīgwe panja abāndu, abandu abaswigisye, i kisu ikikemo, u bupūti ubwabunyafyale; kikupa amakemo gamwambepo kwa Kyala, ifipaso fya milomo gyabo, ukupa ulutufyo ku Ngamu Yake.” Kyala ākōlīle i Kipānga Kyāke nukukipāgūla Ikyēne ukufuma ku kīsu, pa fūndo yila yilayila. Kangu Umwēne ākipēle ikyēne ululagilo, kangu Umwēne, Ikyēne, kikufimbilisigwa ukuya kīkēmō. Umwene alinkuti, “Une ne mwikemo, kangu ugwe kufimbilisigwa ukuya mwikemo, kangu kisita bwikemo u mundu atisakumbona u Ntwa.” Kyala āyobile ikyo, Mwene.

53 Kangu Umwēne ākōlīle abāndu aba ukuya luko ulu ulwa bāndu, lōli abēne bālibwībwe isya ikyēne. Abēne bālibwībwe indagilo Syāke, kangu abēne bālibwībwe inyiho syābo. A bakīkūlu pānja mu likīndi, abakīkūlu ba kiIsraeli pānja pala, aligwēsa gwa bēne ikugūlīla uku—ukuya bamelisīgwe na Mbepo Mwikēmō, ukutwala panja u Mesiya, kangu polelo ukubombela bo lula. Akayilo kanyali.

54 Une ngulōnda ukwīma apa i miniti, ukuyoba ikyēne kyo kindu kilakila pakati pa bāndu bītu, umwīsyūgu, aba bikwikolela bene Bakristi. Akayilo kabo, linga umwe mubagile itolo ukusyagania!

55 Akabalilo kamo, m’Mwitongo. Une nābalile akapango ukufuma kuno, kuko abene bālīsibile ukuya na batumwa. Abēne bābagile ukwēgā abāndu bala nukulisya abēne pa sokoni, itolo mōmo umwe mwabagīle i ligali ilibōmbeligwēpo. Kangu polelo

pala ālipo ugwakūla, unkyulusi, ābagile ukwīsa pala nukusalapo abatumwa bala nukukyulunya abēne, kangī itolo mūmo ugwe gwābagile iligali pamo ikindukimo.

<sup>56</sup> Kangī abatumwa bala bayaga kubutali ku kīsu kya kāya kābo. Abēne bāfumile ku Africa. Aba Boer babakamatile abēne, ukubatwāla abēne ukukilania kuno ku sūngo, kangī polelo ukubayōngēsya abēne mu United States nukubagulisya abene ukuya batumwa, ukufuma mu Jamaica nukusyungutila.

<sup>57</sup> Lilino uswe tukwāga ukuti abāndu bala bāsulumēnie. Abēne bāpokigwe ukufuma ku kāya kābo kēne. Abene basoosigwe pānja nu ndugu, kangī abene baasulumanie. Abēne bakābagilēmo siku ukumbona undume gwābo kangī mma, pamo unkasi gwābo kangī mma, tāta na māma, abāna bābo. Abēne bali nalōlōli . . . Abēne bafimbilisigwaga ukubakoma abene, ni mikyāpi, ukubapela abene ukubomba, kabuno abene bāli bandu basulumanie.

<sup>58</sup> Kangī ilisiku limo, inkulusi ālīsile pala pa bubyāle bumo, umwēne ākibwēne ikipāmba kya batumwa pānja pala bikubōmba. Kangī umwēne—umwēne alinkwīngīla mula nukundālūsya mwenebatumwa, alinkuti, “Ngimba batumwa balinga ugwe uli nabo?”

Alinkuti, “Ukufwana mia yumo.”

Alinkuti, “Ugwe uli nabo balikyosa aba ugwe ubagile ukūsania pamo ukulisya?”

Umwene alinkuti, “Ena.”

Alinkuti, “Unko une mbakete abene lōsa.”

<sup>59</sup> Kangī umwene alinkubuka panja mu ngunda nukubaketesya abene, kangī umwene alinkubabona abene bikufimbilisigwa ukubakoma abene ukusyungutila. Kangī ukukīndapo akabalilo, umwēne alinkukēta yumo u nnyāmbāla unkeke abēne bakāfimbilisigwāga ukunkoma. Umwēne āli ni kipāmbaga kyāke pānja kangī ikilefu kyāke mmwānya; bakāfimbilisigwāga ukunkōma umwēne. Popāpo unkyulusi alinkuti, “Une ngulōnda ukula untumwa yula.”

Kangī umwene alinkuti, “Loli umwene akaya pa bugulisi’mma.”

<sup>60</sup> Umwene alinkuti, “Mulimōsa, ko kukindananki kwa ntumwa yula?” Alinkuti, “Ngimba u ntumwa yula yo bwāna pamwanya pa abāngi ba bēne?”

Umwene alinkuti, “Umma, umwene yo ntumwa itolo.”

Umwene alinkuti, “Mulimōsa, lumo ugwe kundyesya umwene nubukindane.”

Umwēne alinkuti, “Umma, umwēne ikulya mkolofwa na bōsa ba batumwa.”

61 Umwene alinkuti, “Mulimōsa, kyo kiliku iki kikipela umwene ukuya nkindane ku bosa abatumwa?”

62 Umwene alinkuti, “Mulimōsa, iki une nāswigaga, nīne, ku kabalilo katali. Lōli ilisiku limo une nāmanyile, ukuti, kula ku kisu kyakukāya kūko umwēne afumile, tāta gwāke yo mwalafyale gwa luko lōsa. Kangi palema nalinga umwene ayege nhesya, kangi kubutali ukufuma ku myabo, pōpe umwene amenye ukuti umwene yo mwanundumiana gwa mwalafyale, kangi umwene—umwene ikwiyēga mwene bo yu mwanundumiana gwa mwalafyale.”

63 Une ndinkwinogona, “Loli, ukuti, linga u m’Negro ikwisa ukufuma ku Afrika, kangi āmenye ukuti ugwīse āli nnyāmba gwa luko kangi mwalafyāle pamwanya pa luko, kyo kiliku iki ikylene kikulōngigwa ukumbombela ku Nkristi uyu apapigwe kangi, unnyambala pamo unkikulu, uyu Tata gwitu yo Mwalafyale gwa Kumwanya mu Lwimiko!” Uswē tukufimbilisigwa ukwītēndēka twībēne ukuya banyambala na bakikulu ba Kikristi. Uswē tukufimbilisigwa ukubōmbēla bo ikylene, ukufwala ngati ikyēne, ukuyoba bo ikylene, ukwitugala bo ikylene. Palema nalinga uswe tuli bahesya, loli uswe tuli bāna ba Mwalafyale. Amenī.

64 Akayilo kītu, ubuhuni bwītu mmasiku aga uswe tukwītugāmo lilino! Israeli āgwile nkati mu nkolofwa gulagula kangi yōpe āli nhuni. Abēne bālibwībwe indagilo sya Kyala, “Ugwe ulingisa kulogwa ubulogwe, kangi ugwe ulingisa kunyonywa u nkasi gwa mpalamani gwāko,” na fyosa bo ifyo. Abene bālibwībwe i ndagilo sila. Abēne—abēne—abēne bakālonđaga ikylene kangi mma. Kangi abene—abene bālonđaga u—u ukuya bo i kisu kyosa, itolo bo i kipanga kifikile umwīsyūgu.

65 Akabalilo kamo, Israeli, akabalilo kako abene bālyāndīle, bālōndīle ukuya nu mwalafyale pamwanya pa ikylene. Samuēli ābabūlīle abēne, u nsololi uyu ātumīgwe ku bēne, umwene alinkuti, “Lilino ngimba une mbabūlilēmo umwe kalikosa mu Ngamu ya Ntwa lōli iki kikwīsa ukuboneka?”

Abene balinkuti, “Umma, ugwe ukabōmbamo.”

66 “Ngimba une mbasūmilēmo siku kuli fyākulya fyāngu ni hela, ihela syīnu, syōpe, kuli une ukwitūgāla pa syēne?”

67 “Umma, ugwe ukabomba ikyo mma. Ugwe ukatubūlamo siku uswe nakimo, Samuēli, loli iki kīsile ukuboneka. Kangi ugwe siku ukatusūmīle uswe panongwa ya hela syītu, panongwa ya būmi bwāko. Lōli, pōpe, uswe tukulōnda u mwalafyāle, mulimōsa.”

68 Kyala alinkuyoba kwa Samuēli, “Baleka abēne baye nagwe umwēne. Abēne bakakupīka ugwe mma; abēne bapīkile Une.”

<sup>69</sup> Israeli āfikile nkati mula nkifwāni kilakila lilino. Abēne bakālōndāga u nsololi gwa Kyala kangi mma. Abēne bakābafūmbilwe abēne. Kangi linga yumo abagile ukwisa, nukubatwalila abēne i Lisyu, nukugela ukubatwāla abēne ukugomokela ku Lisyu, abēne bisakukāna Ilyēne. Abēne akabalilo kōsa bikubōmba ikyēne, mu njila yila iya bubole.

<sup>70</sup> Akabalilo kāko ikīsu ni kipānga kikwilunganisya kyēne palikimo, polelo abēne batikulōnda nakimo ikyamwambepo. Abene batikulonda ISI SYO IKUTI UNTWA. Abene bikulonda iki abene bikulonda. Abēne bikulōnda i kīsu, nukuyoba abēne bo Nkristi; nukwitugala nkīsu, nukuya nu bumi ni kīsu kyapasi, nukuya nu bumi bo kikisu kyapasi, kangi pōpe nukukyūnga ubwiyobelo bwābo ubwa kuya Nkristi; Umwe mumenye, i kindu kya ikyēne kili, ikylene kyo kwīyībwa kwāmwāmbepo. Ikyo kyo katikati iki ikylene kili. Abēne batikumanya ukuti abēne bo ba ywani. Abēne bībwībwe kila iki abēne babagile ukubomba.

<sup>71</sup> Linga yumo abagile ukwisa umwisyugu, bo lula, ikylene angali kikanigwaga itolo lulalula. Abēne bāli ni mbūngo imbībi ya ikyēne, kangi momūmo babōmbile abēne umwīsyūgu. Abēne balinkutoligwa ukwibonesya bēne ni findu ifikindekipepigwa, kangī'mma, panongwa yakuti abene bakakilonda ikyēne. I Lisyu, i Nongwainunu, abēne bakālōndāga Ilyēne. Imbungo ya butulwanongwa yābakolile abēne, kangī abēne bakiganile ikyo.

<sup>72</sup> Ubutulwanongwa bo bunoge ku ndūmbula insitakupīnduka. Ubwēne bukuboneka bununu ku līnogonēlo ilisitakupīnduka, lōli iyēne yo njila ya bufwe. Kikayapo nakimo kisyele loli bufwe. “Umfwalo gwa butulwanongwa bo bufwe,” kangī ugwe kufimbilisigwa ukufunja imifwālo gila. Ugwe ubyēle ku mibelo, kangī lilino kufūnja ku kafulafūmbi.

<sup>73</sup> Ifimanyilo fyāmwāmbepo kangī ukulūmbilila kwa ntumigwa unsūngiligwa ukufuma kwa Kyala, nasiku fyānyenyemwīsyē abēne kangī mma. Abakikulu babagile ukuseka mulamula nkisyo kyabo, nu kuyoba, “Une ndikufimbilisigwa ukubuka ukupilika i findu bo ifyo.” Linga ikyo kikāndisya kāngi! Ngimba ikyēne kyo fiki? Ukwīyībwa kwāmwāmbepo, katikati iki kyēne kili. Abēne bībwībwe ukuti Kyala ni Lisyu Lyāke fifwēne, kangī Umwene akabagila ukusanusya Ilyene.

<sup>74</sup> Linga unsololi aafyukile pa buyo mmasiku gala nukupa ikimanyilo ikyamwambepo, a masyu gamwambepo, kangī alinkūmpa a masyu ga Kyala kunyuma kwa ikyēne, abēne bābagile itolo ukuseka ku Lyēne nukūgila Ilyēne.

<sup>75</sup> Umwe mumenye ubuyobi bwaiyolo, “Abatoyofu bisakwēnda ni filato ifya njwego pāpo a Bāndūmi bikutīla ukunyātūka.” Ikyo kyo iki ukwīyībwa kwamwambepo kukubōmba. Ikyēne kikutēndēka abāndu ukufika pa buyo mpaka kūko abēne

batikuya nubwīpilike nabumo nkati mwa bēne. Abene batikulonda nakimo iki kyo kyamwambepo.

<sup>76</sup> Ega u lukomano lwamwambepo ulwanalolili, kūko u Mbepo Mwikemo ikubūmbulusya ababine nukuketelaminogono aga gali mundumbula, nukukibika ikyene nkati pakati pa fyōsa ifipānga, itolo ulusasanio ulukulumba pānja apa mu stedyamu iyi, kangi kēta iki kisakubōmbigwa. Mu maminiti manāndi, aligwēsa isakusumukāga mmwanya nukusōka pānja. Abene bakaya nakyo nakimo ikyakubombapo ni kyene. Abene batikulonda nakimo ikyakubomba ni kyene. Abene bisakupilika ku buyobelo bumu ubwamahala.

<sup>77</sup> Loli akabalilo kako ikyene kikwisa ku Maka ga Yeso Kristi, nu busyuke Bwake, kangi u Mbepo Mwikemo, abene bikulonda nakimo ikyakubomba ni Kyene, panongwa yakuti ikyene kikubakemela abēne. Ikyēne kikubabika abēne pa moto ni kīndu iki abēne bābagile ukumanya. Nakumo ukukomigwa, ena, kunoge ku kabalilo. Loli, ikyene, linga ugwe kwisa kwilambika ku kyene, ikyene—ikyene kikutwala iseke sya lupinduko. Popāpo uswe tukusyāgania, akabalilo kāko ukwīyībwa kwāmwāmbēpo uku kukamandania abāndu, polelo abēne bali—abēne bali nkayīlo akabībi. Lilino uswe tukwaga kilakila lilino. Lilino une ngulonda . . .

<sup>78</sup> Ugwe kufimbilisigwa ukulinganisigwa. Kumo, ugwe kufimbilisigwa ukubonesya. Ubumi bwako bukubonesya, ikilo iki, kuko ugwe gulinganisigwe. Ugwe ulinganisigwe pamo mwa Kristi pamo pānja pa Kristi. Ugwe ukaya sinda gwa njila. Kukayako nakimo i kīndu ukuya nyāmbala kinwēlwansitabugāle. Kukayako nayimo injuni indītu inyēlu. Ugwe pamo upokigwe pamo ugwe ukapokigwa. Ugwe gwe mwikemo pamo ntulanongwa, yumoywene pamo uyungi, kangi akayilo kamwambepo kubwa Lisyu lya Kyala kakulīngānia ugwe katikati pāpo ugwe gwīmīle. Kutalusya!

<sup>79</sup> Lisyu lya Kyala, lisisimikisigwe, lyāsīsimikisye ukuti u losyo lwa Mbepo Mwikemo lo itolo lufwene na mumo ulwene lwāyililēmo siku pa Lisiku lya Pentekosti pamo akabalilo kalikosa akangi. Kangi Yeso Kristi yo yuyo mmayolo, umwisyugu, na bwilanabwila. Kangi akayīlo kāko ukwīsila Ikyo kakulīngānia kali ugwe uli nu kwīyībwa kwāmwāmbepo, pamo mma. Uko ko kutalusya. Kali linga ugwe uli ndiakoni, pamo pōpe linga ugwe uli ndumbilili, ikyēne kitikutēndēka . . . Ena, abēne bikukyēga ikyēne, bōpe. Polelo uswe tukusyagania, ikyene kyo kyākwāmbula nu kutika ikindu kyosa. Lilino uswe tukuketesya.

<sup>80</sup> Lilino, ukuya mwaMerika. Ukuya mwaMerika, une ngufimbilisigwa ukulinganisigwa ni kīsu kyāngu. Lilino pilikisya kifuki. Ukuya mwaMerika, akabalilo kāko une mbapigwege kuno nkisu iki, une ndinkuya mwenekaya, kangi une ndinganisigwe ni kisu iki. Fyosa ikyēne kili, une ndili. Fyosa

ifi ikylene kifumile pakuya, une ndili. Kabuno une ndinganisigwe ukuya mwAmerika, polelo une ngufimbilisigwa ukwega fyosa ifya soni syake, syosa isya lwimiko lwake. Kilikyosa ikylene kili, une ndi, panongwa yakuti une ndinganisigwe ni kyene. Ameni. Une ngulōnda umwe ukukupilikisya ikyēne. Une ndinganisigwe ukuya mbāpo ya America, polelo fyōsa ikyēne kyāli, une ndi. Fyōsa ikyēne kili, une ndili. Une mbagile ukuya kiyabo kya ikyēne. Une ndinakyo...linga une ndi mwenekaya gwa Amerika, une ndi kiyabo kya Amerika. Kangi fyosa ifi ikyēne kili, une ndi.

<sup>81</sup> Une ndoingibwāga siku iki. Linga une ngulōnda ukusyāla mwenekaya gwabwanaloli gwa kiMerika, une mbagile ukukumbukila ukuti une ne iki ikisu kyāngu kili, kabuno une ndinganisigwe ni kisu kyangu. Ukummwibwa umwēne, pamo—pamo... Ukundwila umwēne, pamo ukumfwila umwēne, pamo ukwīmila kuli fyōsa umwēne ikwīmila, une ngufimbilisigwa ukwīmila ikyēne. Iki ikisu kyāngu kili, une ndi. Iki ikyēne kikwīmila, une ngwīmila ikyēne. Ukuya mMerika unsūbiligwa, une nisakwitēdekēsya ukufwila ikyēne, ukulwila ikyēne, ukwīmila ikyēne, ukubōmba kalikōsa aka kalilo. Une ndi kiyabo kya ikylene. Ugwe ukabagila ukusalapo pa kyene kisita kunsala pa une. Akabalilo kako ugwe kuyoba ikindukimo ukulwana ni kyene, ugwe kuyoba ikylene ukulwana na une, kabuno une ne mwaMerika. Ukuyoba ikylene ukulwana na ugwe, ukuya mwaMerika, kangi iki abene bikuyoba ukulwana ni kisu iki, abene bikuyoba ukulwana na ugwe, kabuno ugwe uli kiyabo kya ikylene. Komma ugwe ukwibwamo siku ikylene; akabalilo kāko ugwe kubomba, polelo ugwe uli nako ukwiyibwa, naloli ukufwana.

<sup>82</sup> Kangi, kumbukilaga, ugwe ukaya mbāpo ya kiMerika akabalilo kako ugwe ukabagila ukuya kiyabo kya ikylene. Ugwe kufimbilisigwa ukuya, iki America ali, ugwe kufimbilisigwa ukuya nugwe. Une ngufimbilisigwa ukuya balilansi ba umwene. Iki kyo kisu kyangu, une mbagile ukuya kiyabo kya mwēne. Iki umwene ali, une ndi. Muketile, iki umwene āli, une ndi. Kali umwene āli fiki, une ngāli iki umwene āli.

<sup>83</sup> Ukuya mwaMerika, une nālobwike pa Lyalabwe lya Plymouth, nu mwene, na batāta abatasi. Une ndinkufimbilisigwa; une ndi kiyabo kya umwene. Une nālitogile nu Paul Revere, ukunsoka umwene isya fibibi fyāke. Linga une ne mwenekaya gwa kiMerika, une nālobwike pa Lyalabwe lya Plymouth. Une nālitogile nu Paul Revere, ukunsoka umwene isya bubibi bwake. Ngimba umwe mumenye iki une ngusanusya lilino?

<sup>84</sup> Une nālobwike u Delaware gwa matalala, nu George Washington, na basikali bāke basitafilato. Une nāli kula, namanga une ndinganisigwe ni kisu iki. Iki umwēne ābōmbile

pala kyāli ikiyabo kya une, iki une ngubōmba lilino kyo kiyabo kya mwēne. Une nālinganisigwe nu Washington, ku Delaware.

<sup>85</sup> Une nālimile na Stonewall Jackson, akabalilo kāko ubutolwe bwāli bunywāmu fīyo ukulwāna nu mwēne, kangī abēne bālālūsūsye, “Ngimba ugwe ubagīle bulebule ukwīma bo kibūmba kya mabwe, akabalilo kāko ubutolwe bukulwana na ugwe?” Akanini akāsōni akīnitu akāfīsige-fya-bлуу kalinkubāya ulufūmbi ulu ni filato fyāke, umwene alinkuti, “Une ngwegamo siku ukunwa kwa misi mpaka une ngupalisya Kyala Mwenemaka panongwa ya ikyene.” Une ngufimbilisigwa ukwīma ngati kibumba kya mabwe nu mwēne. Une nālimile pala na Stonewall Jackson. Ukuya m’Merika, une ndīnganisigwe nu mwēne nu bwīmilo bwāke. Ukukilania aba Delaware! Ukulwa amabwīte!

<sup>86</sup> Une nāyugēnie i ndēmbēla. Une nāli na bēne akabalilo kāko abēne bāyugēnie i ndēmbēla pa Guam. Ukufuma pakuti maelifu ga basikali ba kiMerika bāpēle u būmi bwābo, kangī akabalilo kāko akabugutilla akanini kala kakubopa mmwanya pala nukusopa indembela yabo mmwānya, une nālinganisigwe nu kufyusya kwa ndēmbēla yila; aligwesa gwa uswe āli. Bōsa abenekaya ba America bālinganisigwe ni ndēmbēla yila yītulike ukukilania Guam. Akabalilo kako une mbilike ukuti abene babikile indembela yila pa mwanya pala, amasosi gikusuluka mmasaya gangu. Yula aali une. Yula aali ugwe. Ikyo kyanusyaga uswe twesa, akabalilo kako uswe twalinganisigwaga kula na ikyo.

<sup>87</sup> Fyosa umwene ali, une ndi. Lōsa u lwimiko lwake lo lwimiko lwangu. Syōsa i soni syāke syo soni syāngu. Linga umwēne abōmbile ifindu fyāsoni, polelo une ngufimbilisigwa ukundulalila umwēne...ukwīma ulufuyulo lwāke. Linga umwene ikwambilila u lwimiko, une ngwambilila u lwimiko nu mwene, panongwa yakuti une ndinganisigwe nu mwene. Lilino, ukulinganisigwa, mwaMerika ikufimbilisigwa ukwima ku soni sya America syōsa, ulwimiko lwa America, fyosa ifi umwene aalimo siku. Fyosa ifi umwene ali, pamo iki umwene isakuyaga, ugwe ulinganisigwe ni kyene.

<sup>88</sup> Lilino, ukuya Nkristi gwabwanaloli, ugwe kufimbilisigwa ukuya yulayula. Uswe tutikulonda ukwibwa ikyo. Fyosa ifi Umwene aali, une ndinganisigwe nu Mwene. Une ndinganisigwe nu Mwene.

<sup>89</sup> Kētésya, kangī Umwene ali mwa une, kangī une mwa Umwene. Kētésya, polelo, u Nkristi aligwesa uyu yo Nkristi gwanaloliloli—Nkristi, āli nu Mwene, “Akabalilo kako indondwa sya kulubunju simbaga palikimo kangī abanabalumiana ba Kyala balátaga panongwa ya busangaluke, bo kukāliko u lwālo lwa kīsu.” Uswe twālinganisigwe mfibānja fya busitakufwa na Kyala, ifyīnja maelifu-elifu kaongo bu kikāli ikīsu kibūmbigwēmo siku. Une nāli kunyuma kula nu Mwene. Linga une ndi nabo u Būmi bwa Syepwa,

une nāli kula nu Mwene. Une nālinganisigwe nu Mwene, “Akabalilo kako indondwa sya kulubunju simbaga palikimo kangi abanabalumiana ba Kyala baywēgile panongwa ya busangaluke.”

<sup>90</sup> Une nāli nu Mwēne akabalilo kāko Umwēne ālinkōlīle Abraham ku ngulilo ya—ya fyinja malongo-mahano-na-mabili-na-fihano mbukusi, kangi unkasi gwāke ukuya malongo-ntāndatu-na-fihano, nukumbula umwene abene bayaga pakuya nu mwāna. Une nāli nu mwene akabalilo kako umwene egile ubwime bwake pa ISI SYO IKUTI UNTWA, “Une nguyaga pakuya nu mwāna yula.” Une nālimile nu mwene. U Nkristi aligwesa uyungu ālimile nu mwene. Une nāli nu mwēne akabalilo kāko ingelo syāke sikwīsa. Une nāli nu mwēne akabalilo kāko umwēne ābūkīle pamwanya pa kyāmba, ukupa pamwanya Isāki. Une nāli nu mwene akabalilo kako ing’osinyambala yābonike.

<sup>91</sup> Une nāli nu Yosefu akabalilo kako umwene āpīkīgwe na bakundwe bake, panongwa yakuti umwene āli gwamwambepo na bosa ba abene bāli bamumbili. Une naali nagwe akabalilo kako umwene aamenye ulufuyulo umwene alinkufimbilisigwa ukwima na bakundwe bake bene. Iki umwene aali, une ndi. Iki une ndi, umwene aali. “Kabuno uswe twesa tuli yumo mwa Kristi Yeso.” Une nāli na Yōsefu mu mbako yāke, ipumba. Une nāli nagwe umwene akabalilo kako umwene ikubuka ku kiboko ikililo ikya Farao. Ugwe gwafimbilisigwaga ukulinganisigwa nu mwene.

<sup>92</sup> Une nāli na Yākòbo ikilo kila akabalilo kāko umwēne ābīgène ikilo kyōsa nu Gwāndūmi. Une nābigène, nīmwēne. Une mmenye iki umwēne ākīndilèmo nakyo. Popāpo une nābigène na Yākòbo akabalilo kalakala umwēne ābōmbile, kabuno une ne nkūndwe gwāke.

<sup>93</sup> Une naali na Mose akabalilo kako umwene aasulukege ku Igupti. Une naali na Mose pa lusingi ulupye. Linga ugwe uli Nkristi, ugwe ulinganisigwe na bandu ba Bangeli bala. Komma ukwiibwa ikyene! Une nāli na Mōse akabalilo kāko abāndu bosa bāsyumbutukile ukulwana nu mwēne. Une nāli na Mōse akabalilo kāko umwēne ālobwike i Nyanja Ingeseфу. Akabalilo kako umwene aafyusisye ikiboko kyake nu kukindilila, kangi Inyanja Ingeseфу yilinkwiguka, Une nālinganisigwe mwa Kristi palapala pala, kangi une nāli na Mōse pa sala yila.

<sup>94</sup> Kilikyōsa iki a Bakristi bafumile pakuya, kilikyōsa abītiki bafumile pakuya, umwitiki aligwesa lilino ikulinganisigwa nu mundu yulayula. Kilikyosa iki ikyene kili, ugwe kufimbilisigwa ukulinganisigwa. Koma ukwībwa ikyo. Akabalilo kāko ugwe kubōmba, ugwe uli nu kwīyībwa kwāmwāmbèpo; ugwe gwībwbwe eyu ugwe guli.

<sup>95</sup> Lilino ndinganisye nu mwene, na Mōse, akabalilo kako umwēne ālobwike i nyanja.



<sup>96</sup> Une nāli na Eliya mmasiku ga Ahabu, akabalilo kako abēne bafimbilisigwaga ukutendeka ulusalo uyu abene āngali bikubōmbela, Kyala pamo Balaamu. Uswe twali nagwe pa Kyamba Karmeli, akabalilo kako umwene abagisenie ukutendeka ulusalo ulu, kabuno uswe twe tulinganisigwe mu Mbili gwa Kyala yulayula uyu umwene ālinganisigwemo. Polelo linga uswe tukulinganisigwa mu Mbili gula, polelo uswe tukufimbilisigwa ukukumbukila uswe twaaliko kula nu mwene. Uko ko kotalusya.

<sup>97</sup> Lilino, une nāli na Davidi, akabalilo kāko umwēne āpīkīgwe na bakundwe bāke bēne. Une nāli na Davidi; ugwe gwāli, nūgwe, linga ugwe uli Nkristi. Ugwe kufimbilisigwa ukulinganisigwa mu bupīkīgwe bwake.

<sup>98</sup> Une nāli na bāna ba kiHiburi, mu ng’anjo ya moto, akabalilo kako u—u moto gukābagile ukōkya abene panongwa ya Kuyapo kwa Nnyambala gwa buna.

<sup>99</sup> Une nāli na Danieli, mu mbako ya ngalamu. Une nālinganisigwe nkati mula, akabalilo kako u Gwandumi gwa Ntwa alindingenie umwene nkati mula.

<sup>100</sup> Une nāli fiyofiyo naloliloli nu Mwene ku Kalvari. Une ngufimbilisigwa ukulinganisigwa nu Mwene pa Kalvari. Une ngufimbilisigwa ukuya pala ku buyo bumo, ukuti, kūko komma kāngi nāli une ndīnganisigwe nu Mwēne ku Kalvari, une nāfwile nu Mwēne ku Kalvari. U Nkristi aligwesa ikufimbilisigwa ukufwa nu Mwene ku Kalvari. Linga ugwe utikufwa nu Mwene pa Kalvari, ugwe ukabagila ukuya nakimo kya Bāke. Une nāli kula akabalilo kako Umwene āfwile. Une ndinkufwa nu Mwene. Kangi polelo une nāli nu Mwene akabalilo kako Umwene āsyusigwe ku bafwe. Une ngwisa pa lubunju lwa Pāsa nu Mwēne, mu busyūke. Kilikyosa iki Umwene ābombile, une nāli palapala pala nu Mwene; umwitiki aligwesa āli lulalula.

<sup>101</sup> Kangi lilino une nītūgēsye nu Mwene Mmabuyo Gammwanya mwa Kristi Yeso, na maka gōsa ga gehena gapōnjolīgwe, ukwisila mwa Umwēne. U Nkristi u mwitiki aligwesa ālitūgēsye mu nila yilayila, panongwa yakuti ugwe ubagile ukulīnganisigwa.

<sup>102</sup> Lilino une ngwīyāga nimwene, mmasiku ga bumalikisyo aga, na bingi ba Bakristi aba bikwitika, ngulinganisigwa mu butumigwe Bwake. “Umwene yo yuyo mmayolo, umusyugu, na bwilanabwila.” Une ngwīyāga nimwene, mu lisiku ili, ngwilingania mu butumigwe Bwake. Ngimba ugwe kwiyāga gwīmwēne injila yila, kwitika ikyēne, ukwēnda ni kyēne? Ketesya, imbombo isi Umwene aabombile, Umwene aayobile umwitiki isakubombaga ikindu kilakila. “Imbombo isi Une ngubomba mwisakubombaga umwe numwe.” Polelo ugwe ubagile ukulinganisigwa nu Mwene? Polelo akabalilo kako ulufuyulo lukwisa pa Lisyu, ngimba ugwe ubagile

ukwima ulufüyùlo bo mumo Umwene abombile, muketile, ukulinganisigwa nu Mwene? Une nālinganisigwe nu Mwene.

<sup>103</sup> Une nāli nu Mwene ku Lisiku Iya Pentekosti. Une nāli na bafundigwa pamwanya pala, nālinganisigwe nu losyo Iwa Mbepo Mwikemo.

<sup>104</sup> Une nguswiga linga i kipanga kikaya nu kwīyībwa bwingi fiyo lilino mpaka abene batikubōmba, bamo mwa bene, batikwītika nukwītika kuli ikīndu bo Mbepo Mwikēmo. Kēta kūko i kipānga kifikileko? Imbungo imbībi fiyo iya kwīyībwa! Muketile, abēne bībwbwē ukuti yula āli Yeso Kristi kunyuma kula. Abēne bībwbwē iki Yeso Kristi āli. Abēne bībwbwē. Abene binogonaga Umwene āli itolo u—u mpelaji-gwa-ndagilo, pamo u nsololi, pamo u—u nnyambala unnunu. Abene balinkwibwa ukuti Umwene āli Kyala. Abēne bālibwbwē ukuti Umwēne yo yulayula mmayolo, umwīsyūgu, kangī bwilanabwila. Kangī i kipānga kili ni mbūngo imbībi ya kwīyībwa kwāmwbēbo. Abēne bībwbwē ifindu fyōsa ifi. Abēne batikukipilikisya Ikyēne kangī mma.

<sup>105</sup> Uswe tukufimbilisigwa ukuya na bafundigwa ku Pentekosti, ukulinganisigwa na bene. Une nālinganisigwe nu bulumbilili bwa Peteri pa Lisiku Iya Pentekosti, mu Imbombo untu gwa 2. Une nāpilike iki umwene āyobīle. Une ngwitika iki umwene āyobīle. Une nāpilikīle iki umwene āyobīle. Lilino une ndinganisigwe mu kindu kilakila.

<sup>106</sup> Komma ukwāmbūla ukwīyībwa kwāmwbēbo. Panongwa yakuti, ugwe kwisa, ugwe kwisakwilinganiaga gwīmwene ni kindukimo ikingi. Ima palapala ni Lisyu lila!

<sup>107</sup> Uswe twāli ni Kipanga akabalilo kāko ikyēne kyatumīgwe na Yeso Kristi, mu Imbombo, unto gwa 16. “Buka umwe nkisu kyosa, kangī ukulumbilila i Nongwainunu kupeligwa kilikyosa.” Une ngulonda ukulinganisigwa kula, “Ikisu kyosa, ku kipeligwa kilikyosa.” “Ifimanyilo ifi fisakukongaga abene aba bikwitika,” babagile ukulinganisigwa mu ikyo.

<sup>108</sup> Mulimōsa, lilino, ngimba ugwe ulīnganisigwe na kila, pamo ngimba ugwe ulinako kumo ukwīyībwa kwāmwbēbo, ukuti umwe kusyagania ugwe utikwitika ifimanyilo fila fikukonga abitiki? Muketile, linga ugwe utikwitika ikyene, polelo ugwe uli nu kwīyībwa kwāmwbēbo, muketile, ugwe gwibwbwē ukuti Kyala āfingile kila. Umwene alinkuti, “Ifimanyilo ifi fisakukongaga abene aba bikwitika.” Komma ukwībwa ikyēne. Ugwe ukabagīla ukwībwa ikyēne nukuya Nkristi. Ugwe kufimbilisigwa ukulinganisigwa ni kyēne.

<sup>109</sup> Ugwe kufimbilisigwa ukulinganisigwa na Mwikemo Yohani untu gwa 14, ilinandi Iya 12. “Umwene uyu ikwitika na Une, imbombo isi Une ngubomba isakubombaga yope.” Komma ukwībwa ikyēne. Linga ugwe kwībwa, polelo ugwe uli nu

kwīyībwa kwāmwāmbèpo. Ugwe gwībwībwe ywāni ugwe guli. Ugwe gwībwībwe iki ubukēti bukusanusya.

<sup>110</sup> Bule isya, Umwene aatile, “Linga ugwe kwitugasya mwa Une, kangī i Lisyu Lyangu mwa ugwe, ugwe ubagile ukusuma aka ugwe gwiganile kangī ikylene kisakubombeligwaga kwa ugwe”? Ngimba umwe mulinganisigwe kula, ukwitika ukuti ikyo kyo Bwanaloli? Mariko 11, akabalilo kāko Umwene ayobege, “Linga ugwe kuyobaga ku kyamba iki, ‘samisigwaga,’ kangī komma ukwilamwa mu ndumbula yako, loli kwitika ukuti iki ugwe uyobile kisa kubonekaga, ugwe ubagile ukuya nako iki ugwe uyobile.” Ngimba ugwe ubagile ukulinganisigwa pala, ukwītika ukuti kila kyo Bwānalòli? Linga ikylene kikabōmba, polelo ugwe kwāmbūla ukwīyībwa kwāmwāmbèpo.

<sup>111</sup> Kangī—kangī ugwe ibwa, ugwe kutāga ubufwānie Bwakikristi. Ugwe ukabagile ukukīndanisya kūko ugwe uliko. Ugwe kuyoba, “Une ndi gwa Methodisti. Une ndi gwa Baptisti. Ikyo kyo iki une mmenye ukufwana ni kyene. Une ndi gwa Pentekosti. Une ndi *iki, kila*, pamo *ikingi*.” Kētésya mōsa! Ikyo kibagile ukusanusya ukuti ikimanyilo kya mbūngo kikunāngisya pa ugwe, ukuti ugwe uli nu kwīyībwa kwāmwāmbèpo.

<sup>112</sup> Ugwe kuyoba, “Mulimōsa, Nkundwe Branham, une—une ngwitika *iki*, kangī une—une nubukafu...” Lilino gulila panandi itolo. Linga Kyala afigile ukubomba ifindu ifi, kangī ayobile ukuti ifyēne fikuya ngako mmasiku ga bumalikisyo, kangī ikimanyisyo kyako kisakukupīnga ugwe ukufuma ku kyene, ikyo kyo kimanyilo kinunu une mbagile ukukēta ikimanyilo kya mbūngo pa ugwe. Ikyēne kyo kwīyībwa kwāmwāmbèpo. Ugwe gwībwībwe ukwīlīngānia gwīmwene ni Lisyu.

<sup>113</sup> Ugwe kuyoba, “Une ndikwītika ukuti ababine bikubūmbulusigwa.” Ugwe ulinako ukwīyībwa kwāmwāmbèpo.

<sup>114</sup> Ugwe kuyoba, “Une ndikwitika mu losyo lwa Mbepo Mwikemo.” Kwīyībwa kwāmwāmbèpo!

<sup>115</sup> Ugwe kuyoba, “Une—une ndikwitika ukuti Kyala āfigile ukubomba ifindu ifi mmasiku gabumalikisyo.” Polelo ugwe upilikile ku kimanyisyo, pamo ikimanyisyo kimo, mbuyo bwa i Bāngéli. Ugwe uli nu kwīyībwa kwāmwāmbèpo. Ugwe ukamanya kuko uGwe uliko akabalilo kala. Umwe mukwilata, “u Nkristi,” nukukana i Lisyu. Kikukutwāla ugwe ukugomokela ku kwīyībwa kwāmwāmbèpo kāngi, muketile, kamanya kūko ugwe gwīmīle. Ugwe ulinako ukwīyībwa kwāmwāmbèpo. Ugwe ukabagila ukwilingania gwīmwene na Masimbo.

<sup>116</sup> Ugwe kufīmbilisigwa ukuya na bafūndīgwa. Ugwe kufīmbilisigwa ukuya ni Lisimbo lyōsa, ni Kipanga akabalilo kāko ikylene kikutumīgwa. Lōli, lilino, akabalilo kāko i Kipānga kyātumīgwe, “Bukaga umwe nkisya kyosa nukufumunya i Nongwainunu; ifika ifi fisakukongaga abene aba bikwitika,”

bula bwali butume bwake. Lilino abène bali...Bula bwāli butume.

<sup>117</sup> Lōli abène bayāgile imbūngo imbībi ya kwīyībwa kwāmwāmbèpo, itolo bo yu Eva āfikile pa...pa mwene, ukusyungutila ukukīnda mu ngunda, i lisiku limo. Lilino umwene ali bo yu Israeli, ikukubilwa ukufuma ku mbungo iyi yilayila, u lwāmbulo ukufuma ku fyākulya fya seminale ulu lwīsakukupa ugwe ukwīyībwa kwāmwāmbèpo. Ege ifyākulya fya seminale, kangī ugwe kwīsakwāmbula ulwāmbulo, kangī polelo, ikīndu kyākwānda ugwe umēnye, ugwe kwisakwāmbula ukwīyībwa ukubībi nalōli. Ugwe utikwitika kalikosa ili Bangeli likuyoba.

<sup>118</sup> Iyo yo nongwa iyi yili ni kipanga umwisyugu. Iyo yo nongwa uswe tukabagila ukuya nu luyigo umwisyugu. Ikyo kyo iki kyo lutamio na bandu umwisyugu. Abène balūsīgwe fiyo pamwanya pa makalasila ga filifyōsa, kangī ikimayisyo kililyōsa iki kyābagile ukwipānja mōsa, mpaka abène bakamanya iki kyo kitalusye kangī kisobi. Katikati. Umwene akabagila ukukumbukila u Ntwa. Umwene akabagila ukukumbukila Ilisyu Lyake. Umwene akabagila ukukumbukila ulufungo.

<sup>119</sup> Ikyo kyaali itolo iki kyatamisyu na Israeli, akabalilo kako Yeso aalisilepo pa buyo. Abene balinkutoligwa ukukumbukila, ukuti, “Umfunde isakuyaga ni kifuba.” Abene balinkutoligwa ukukumbukila ukuti Mose aayobile, “U Ntwa Kyala gwinu isakufyusya u Nsololi afwanikisigwe bo Une.” Abène bāli nu kwīyībwa kwāmwāmbèpo.

<sup>120</sup> Ikyo kyo katikati iki ikipanga kili nakyo umwisyugu. Umwene alinkuti, “Ukwene kukwisaga ukuboneka mmasiku ga bumalikisyo,” ukuti ifindu ifi fisakubonekaga pa buyo, ifi uswe tukukéta fikuboneka pa buyo, kangī ikipānga kikwitūgāsya ngati bafwe ngati sala ya kalongo-na-ibili. Ngimba ikyēne kyo fiki? Kwīyībwa kwāmwāmbèpo. Uswe tukwikolela twībene Pentekosti, kangī tukabagila ukulīngania, kangī tukubagila ukwibonesya twibene mu Lisyu akabalilo kako Ilyene lilumbililigwe mmaka ga busyuke bwa Kristi; kangī Umwene apa pakati pa uswe, ikubomba ikyene, kangī ukubomba katikati iki Umwene aayobile Ikyene kikubombaga. Polelo, kētēsya, ikipāngānio kyītu kyakipānga-kipāgūke kitutwēle uswe mu kwīyībwa kwāmwāmbèpo. Uswe tukukubilwa. Uswe tutikumanya kuko uswe tuliko. Yumo ikwegā ifikalatasi fyāke ukufuma ku kipanga *iki* ukubuka ku kipanga *ikingi*, kangī i kipanga *iki*, kangī ikimanyisyo *iki* ni kimanyisyo *kila*. Muketile?

<sup>121</sup> Iki uswe tukulondigwa, kangī, yo Amosi ukwisapo pa buyo, na ISI SYO IKUTI U NTWA. Ngimba uswe tubagile ukummwāmbilila umwēne? Kifuki mūmo abène bābōmbile. Abène bakālimmwāmbililēmo siku umwēne. Abène bakabagila ukummwāmbilila umwēne umwīsyūgu. Umwene alinkutoligwa ukwegā untu gwake mbuyo, kifuki, ukulumbilila. Lilino, uko ko

katikati kotalusya, panongwa yakuti ikipanga kikutamigwa nu kwiyibwa kwamwambèpo.

<sup>122</sup> Lilino, fiki? Kyala afindingile mmasiku ga bumalikisyo aga, “Akabalilo kako u Mwanundumiana gwa mundu isakusetuligwaga,” ukufwana na Luka, untu gwa 17, “pa kimanyilo iki kyayaga pa buyo ku Sodomu, kisakubonekaga pa buyo kangu.” Kangi a bāndu bikukēta ikyēne kikubōmbigwa, kangu bamo mwa bēne batikwītika nu kwītika ikyēne. Abene bikwinogona ikyene kyo kubalila-pabutali. Abene bikwinogona ikyene kyo mbepo ya mōhēsi. Ngimba ikyene kyo fiki? Abene bikukubilwa nu kwiyibwa kwamwambèpo. Ikyo kyo katikati. Abene bakabagila ukupilikisya u Ntwa. “Yeso Kristi yo yuyo mmayolo, umwisyugu, na bwilanabwila.” Iki Umwene āli akabalilo kala, Umwene ali lilino.

<sup>123</sup> Loli, iki kibonike, itolo ukwilingania twibene kangu ni Lisyu. Fiki? Umwene, umwene akamanya kali umwene ko kubugono pamo kali umwene yo kipanga. Umwene atikulonda ukukoleligwa kubugonelo, kangu umwene akabagila ukukoleligwa kipanga; ’nongwa yakuti, ukuya nkōleligwe i kipānga, kwābagile ukulingānia mwēne na Kristi. Ikyo kikumpa umwēne u kwiyibwa kwamwambèpo. Kangu umwene atikulōnda ukukōleligwa kubugonelo. Polelo ikyene kikaya kipanga kya kiPentekosti, ikipanga kya Methodisti, kipanga kya Baptisti; ikyene kyo kubugono bwa Pentekosti, kubugono bwa Methodisti, na kubugono kwa Baptisti, panongwa yakuti umwene akabagila ukulinganisigwa ni Lisyu. Kangu akabalilo kāko i Lisyu likutēndekigwa ukubonekela, abēne pōpe batikwītika Ilyēne. Iyēne yo mbūngo, kwiyibwa kwamwambèpo. Bakabagile ukwilingania bene; abene batikusimanya kuko abene baliko. Uko ko kotalusya.

<sup>124</sup> Ikyēne kyo itolo katikati ngati ukupāpisānia ikindukimo. Mumo une kingikingi njobile, “Une bwila ninogonaga ukuti kimo mwa findu ifitoyofu ukukinda fyosa ifi une ngetilemo siku yo mbunda-falasi.” Muketile, umwēne yo mfuluganie. Muketile, unna āli falasi ingikūlu, u gwise āli mbūnda, kangu umwēne atikumanya nakūko umwēne aliko. Kangu ikindu kyakwanda umwe mumenye, ugwe—ugwe—ugwe—ugwe ubagile ukutogesya umwene nukuyāga imbunda, kangu polelo . . . pamo ukwega i mbunda-falasi, loli i mbunda yikubagila ukwitogesya yene ukugomokela kangu. Muketile, umwene atikubomba. Ugwe ukabagila ukummanyisya umwene nakimo. Umwēne yo nkafuntu. Ugwe utisakumbūla umwēne kalikōsa . . . Ugwe ubagile ukubika sila imbulukuti inywāmu indali. Kangu umwene isakugūlilaga mpaka i lisiku ilitali-ukukīnda lila ilya bumi bwake, itolo bo umwene akāli ukufwa, ukukubāya ugwe. Ikyo kyo kyosa. Umwene akabalilo kosa ikugulila pa kindukimo ukutāgila ikyene pa ugwe, linga umwene abagile.

125 Kangi ikyo kikubika une mu linogono ifya kilundiko kya bakoleligwe-lulo Bakristi abafuluganie. Abene bapapisenie i kipanga mpaka abene begile imbungo ya kwiyibwa kwamwambepo. Abene bakabagile ukupapa kangi.

126 Abene bikuyoba isya kupapisania ikilombe. Ikilombe ikyakupapisania kyo nakimo. Ikyene kyo kindu kibibi ukukinda-fyosa ugwe ubikilemo siku nkanwa kako, kalikosa akapapisanie. Fyobene ugwe kufimbilisigwa ukwega utubyaligwa utunini utu utwanasale, kangi ifindu ififuluganie, nukukupitila ikyene nukukigangula ikyene nukukisubisya ikyene. Fiki? Panongwa yakuti ifyene fikabagila ukukyunga utumbani ukusokapo pa ikyene.

127 Loli i yanaloli, imbapisigwe kanunu, ugwe utikufimbilisigwa ukubika ni mikota nagimo pa mwene. Umwene ali na Maka nkati mmyake, ukumilisa utumbani ukufuma ku mwene. Ikyo kyo iki kwega ukukaga utumbani twa busitakwitika ukusokapo pa gwanaloli nnyambala Mbepogwanalolili.

128 Ega i mbunda-falasi yayiolo, kangi ugwe kubuka ukuyoba ku mwene, utigi, “Yoba, ndumiana, une ngulonda ugwe ukubomba *iki, kila*.”

129 Umwene isakwitugasyaga pala, “Hawu! Hawu! Hawu!” Imbulukutu inyamu indali sila sikubuka mmwanya-na-pasi. Une ngtile i—i kilundiko kya Bakristi kifuki ngati lula, ukukoleligwa-lulo.

130 Ugwe kuyoba, “Yeso Kristi yo yuyo mmayolo, na bwilanabwila. Ifika ifi fisakukongaga abene aba bikwitika.”

131 “Hawu? Une ngusubila amasiku ga fiswigisyo gakindile. Hawu? Hawu? Hawu?” Muketile, umwene akamanya iki umwene naloli ikwitika. Umwene akamanya nakimo. Umwene akamanya kuko umwene ikufumila; umwene akamanya kuko umwene ikubuka. Umwene ali ni kwiyibwa kwa falasi. Umwene akamanya kuko umwene ikufumilako, kangi umwene akabagila ukubuka pabotalipo.

132 Loli une nunganile u mpapisigwe-kanunu ugwanalolili. O, umwene yo mololo. Ugwe ubagile ukuyoba ku mwene. Umwene amenye uyu ugwise ali, uyu unna gwake ali, uyu u mwisukulu na mbuya ali. Umwene ali ni fikalatasi fyabupelesye ukunangisya kuko umwene afumileko.

133 Kangi une nunganile u Nkristi umpelesye, uyu abagile ukubuka injila yosa ukugomokela ku Lisyu lya Kyala, ku lisiku lya Pentekosti, nukwilingania bene pala na bikemo, kuko a Maka ga Mbepo Mwikemo galinkwisa pa bene. Uyo yo Nkristi umpelesigwe. Umwene amenye apa umwene ikufumilapo. Umwene atikulinganisigwa na baMethodisti, baBaptisti, pamo nakimo ikingi. Umwene ikwilingania mu Lisyu lya Kyala. Umwene amanya katikati kuko umwene imilepo. I Lilopa

ikyabunyafyāle Iya Tāta gwāke likwēndelēla ukikīnda mwa umwēne; i Lilopa Iya Yeso Kristi. Umwene amenye iki Ilyene likubomba! Umwene ikwitika i Lisyu lililyosa. Kyalā ikubōmba ukwisila mwa umwēne kangi ikusisimikisya ikyēne ni fimanyilo ifi Umwēne afindile ukukōnga. Umwēna akaya nako nakumo u kwīyībwa kwāmwāmbèpo. Umwēne yo gwānalōli mbāpo-mbelelesye. Une nkiganile ikyo.

<sup>134</sup> Lōli i kipānga umwīsyūgu kili ni mbūngo imbībi ya kwīyībwa kwāmwāmbèpo. Ikyēne kitikumanya kūko ikyēne kiliko. Ikyēne kībwībwe fyōsa fya Ilyēne, kībwībwe fyōsa ifīndu ifi fīfyo fikupela ikyēne i Kipānga.

<sup>135</sup> Ngimba kyo fiki kyātutēndike uswe ukuya bakabi bo mūmo uswe tuyīlile? Ikyēne kili nu buyo bwa Laodikiya kangi, ukugomokela mbuyo bula ubwabukabi ngati Israeli āli. Akabalilo kāko ikyēne kyāli kilondo kangi bāfimbilisigwe ukusūbīla Kyalā kuli kilikyosa ikyēne kyābagīle ukubōmba, kilikyōsa ikyēne kyālinakyo, ikyēne kyālinsubile Kyalā; polelo Kyalā āli ni kyēne, kangi ikyēne kyāli kyamwambepo, nukukīndilīla nkyēni. Lōli akabalilo kāko ikyēne kilinkuya kikābi, apa kyo iki kyābonike: u twāya twābo tuyēngīgwe mōsa, kangi abakīkūlu bābo balinkuya balogwe, abanyāmbāla bābo balinkwītikisya ikyēne, abalūmbilili bābo balinkusulusya pāsī ifibaga, kangi abēne balinkukemela abasololi. Kangi ulō lo luko Iwa kayīlo abēne balinkufikamo. Iki kyāpelile kila, kwāli kwībwa kūko isayo sila syāfumileko.

<sup>136</sup> Kangi umwe baMethodisti, kangi umwe baBaptisti, kangi umwe baPresibeteri! Umwe baMethodisti mubagīle ukunkūmbukila Yohani Wesley. Umwe baBaptisti! Kangi u Yohani Smith alinkukūta pamwanya pa bwitūgasyo bwa bandu mpaka unkasi gwake alinkufimbilisigwaga ukundongosya umwene ku mēsa, ifisige fyāke fīswīle fikupililīgwe, panongwa ya kulīla nu kwīpūta ikilo kyōsa ubutali. Ngimba kyo fiki kitamisye?

<sup>137</sup> Yohani Wesley āyobile ukuti kimo fīndu ifikulumba ukukinda-fyose. . . Une ngwītika ikyēne kyāli kimo mwa bātāta abapabwāndilo baMethodisti bāyobile, “U bukosyasoni bwa bānabalīndwāna ba kipānga kya Methodisti, bwāli bukwānda ukufika pakuya bwānkīsu fiyo, abēne bāfwālāga isāmbō pa lōbe lwābo.” Ngimba umwene abagīle ukuyoba fiki lilino, ni bundu bafwele?

<sup>138</sup> Ngimba kyo fiki kyābonike? Kwīyībwa kwāmwāmbèpo. Katikati iki ikyēne kili, mwībwībwe kūko umwe mufumileko. Umwe muli nafyo ifīndu fyōsa ifi panongwa ya bupi bwa Kyalā, ubununu bwābōmbile ikyēne kwa umwe.

<sup>139</sup> Ngimba umwe mukwinogona iki kyo kindu ikihesya? Ikyene kyo katikati nu Mbepo gwa Yeso Kristi, u busololi. Mu Busetuli, untu gwa 3, ikyēne kyāyobile, “Panongwa yakuti

ugwe kuyoba, ‘Une ndinkabi, Une ndinakyo icyakufumbwa ikya nakimo,’ nukumanya mma ukuti ugwe gwe ndondo, mfwamaso, ngunigwe, mpelakisa, gwāngelebuno, kangi utikumanya icyene” Muketile, utikumanya icyene! Ngimba kyo fiki icyēne? Kwiyibwa kwāmwāmbēpo. Abēne bakakimanya icyēne.

<sup>140</sup> Ifipanga fili ni—ni hela lilino. Kikayapo nakimo i kipānga, kifuki, nkīsu, icyabupāgūko, lōli iki kyo kya maelifu-elifu ukubāsania amaelifu-elifu ga madola. Ukuyenga maelifu-elifu na maelifu-elifu ga madola mu miyumba ni findu, nukulumbilila u Kwisa kwa Ntwa kuli kifuki. “‘Bakabi,’ kangi alinkuti, ‘Une ndinakyo icyakufumbwa kuli nakimo.’” Abalūmbilili abamanyisigwe kanunu ukukīnda abēne bālinabomo siku, bamenye ubufundakyaala bwingipo ukukīnda mūmo bāmenyēmo siku. Kangi abēne balinagyo imiyūmba iminyāmu ukukīnda, amabuyo amanunu amasaligwe amakīnde nkāya. Abēne balinabo ubwābūke bwa bufikile ku kalikōsa abēne bikulōnda ukubōmba. Kangi polelo ngimba abēne bābōmbile fiki? Balinkufika mu kwiyibwa kwāmwāmbēpo nukwibwa ukuti umwēne āli Kyalā uyu ābōmbile ikyo ku bēne, itolo bo yu Israeli.

<sup>141</sup> Kangi i Bāngèli lyasolwile, Yeso Kristi aatumile ugwandumi Gwake kwa Yohani kangi alinkuti, ingulilo yabumalikisyo iyi iya kipānga yābagile ukuya nu kwiyibwa kwāmwāmbēpo uku. Abene baali “bagunigwe,” kumbukilaga. Abene bikwinogona abene bo banywamu. Abene bikwinogona abene balinakyo ikindikimo. Loli Umwēne alinkuti abēne bāli “bapelakisa, bagunigwe, balondo, bafwamaso, bāngelebuno, kangi bakakimenye icyene.” Kangi yikayapo injila nayimo iyakubabūlila abēne.

<sup>142</sup> Lilino, linga u nnyāmbāla āli panja apa pa lukīndi, anyasigwe, pamo unkikūlu, ali ngelebuno, pa lukīndi, mfwamaso, ikyo kikuyaga mbubonekelo ubupelakisa ukuya mbubonekelo bula. Lōli polelo linga abēne bāli na līnogono ilinunu, bāmēnye yūyo abēne bāli, ukuti abēbe bāli mūndu, kangi abēne babagile ukufwāla imyēnda; mulimōsa, ugwe kubūka pānja pala; abēne bo—abēne bo bāndu, babagile ukulinganisigwa nu luko lwa būndu; kangi panja pala, “bagunigwe, bapelakisa, bafwamaso, kangi bāngelebuno.” Kangi umwe mukubuka ku mwene, yobaga, “Nkundwe, ugwe gulibwasi.”

<sup>143</sup> “Lilino, apa! Une ne Dokotala *Gwakuti-na-gwakuti!* Ugwe itolo pākisyaga imbombo yako yene. Une ngukubula ugwe, une ndi gwa *Kyakuti-na-kyakuti!* *Ugwe* ukaya ni mbombo nayimo, ugwe mwikemo mbunguluka, ukumbula une nakimo!” [Ubuyo busitakandu pa tepi—Nsimbi.]

<sup>144</sup> Babula abēne, “Ikyēne kyo kisobi kwa mundu ukubomba iki, kangi ku bandu ukubomba ifindu ifi abēne bikubomba.”



145 Kangi abène bisakukuleka ugwe ukumanya ukuti undumbilili gwābo mpapate-minogono. Muketile? Ngimba ikyene kyo fiki? Ikyene kyo, abene bīwibwe i ndagilo sya Ntwa Yeso. Polelo ndeke Umwene asulukege nukubomba ifika ni fiswigo ifi Umwene aayobile Umwene ikubombaga, abene batikulonda ukwitika ikyene. Ikyène kyo kwīyibwa kwām wāmbèpo. Muketile, abène bīwibwe! Kangi abène bāli ngelebune, kangi bakakimanya ikyène, batikukyāgania ikyène.

146 Abène bikwīnogóna, “Itolo panongwa yakuti une ndi gwa kipānga, ikyo kyo kyōsa kyākulōndígwa.” O, nkundwe, ikyo kikusanysya nakimo ikyakukīndapo mma kwa Kyala ukukinda ukuya gwa Mason pamo kilikyosa ikingi, kubugono bulibosa. Ku kipanga, ikyo kitikusanysya nakimo kwa Kyala.

147 Umwe mukufimbilisigwa ukuya banabalumiana na banabalindwana ba Kyala. Ugwe kufimbilisigwa ukupapigwa mwa Kyala, kangi Kyala yo Lisyu. Akabalilo kako une njege kiyabo kya baba gwāngu, une nguya fyosa tata gwangu. Akabalilo kako ugwe kuyaga kiyabo kya Kyala, ugwe kuya Kyala, mbwisusye. Lisyu Lyake lyosa, ugwe kwitika fyosa ifya Ilyene.

Kwīyibwa kwām wāmbèpo!

148 Bule linga ugwe ukamenye ingamu yako yāli fiki? Kangi linga ugwe uli, ugwe kufumila ku kikolo ikinunu, iki une ngusubila ugwe gwābombile, linga ugwe kwisa ukufuma ku kāya akanunu ka bāndu, kangi bule linga ugwe kwibwa i ngamu ya kikolo, kangi ugwe kubuka panja apa, kwītugāla nkosyasoni? Abene bikuyoba, “Ngimba ingamu yako yikaya Jones,” pamo kilikyosa ikyene kyāli. “Ena, une ngamanya uyu une nāli.” Muketile? Umma ndaga, muketile, ikyo kyo kindu kinyali fiyo ukuya, ubwitugasye ububibi ubwakufikamo.

149 Ena, apo po itolo pāpo i kipanga kisile ukuya. Ikyene kibagīle ukuya bwīmīlilo bwa Yeso Kristi. Lōli ikyène kībībwe ikyo, panongwa yakuti ikyène kifikīlepo, bīngisyēmo nkati mu kyène, ifimanyisyo ni fipanga-fipāgūke, ukuti abène bītīke ikyo mbuyo bwa Lisyu. “Kangi abène bali ngelebune, bafwamwaso, bapelakisa, kangi batikumanya ikyène,” kangi yikayapo injila iyakubabūla abène.

150 Une lumu ndisakuyamo siku mu Birmingham kangi, lōli aka ko kabalilo kamokēne abène bikuyaga pakupilika ikyène. Muketile? Muketile? Kutalusya. Une ne itolo... Une ngaya ninongwa pa nakimo loli kukusopa Imbeyu. Kyala ikutalulila Iyène ku mfu kūko Iyène yibagilile ukubūka.

151 Balinkwibwa, ena, abene balinkwibwa i Lisyu Iya lufingo. Abene balinkwibwa. Israeli aali mu luko lula ulwa lutamio akabalilo kāko Yeso ikwisa. Ikyène kyālibwībwe. Abène balinkukēta, o, abène bayobāga abène bālītīke ukuti aliko ikwīsa Mesiya. Lōli akabalilo kāko u Mesiya ikwīsa

nukwilingánia Mwēne ukwisila mu Lisyu, abēne bāli ni nyīho fiyo mpaka abēne bātēndike i Lisyu lya Kyala ukuya lisita maka.

<sup>152</sup> Kangi Yeso aafingile, itolo bo akabalilo ka bumalikisyo, “Mumo ukwene kwayīlile mu Sodomu, momumo ukwene kukuyilaga.” Kangi ikyēne āngali kikuya a balīnganisigwe, kangi abāndu bo bānyīho fiyo mpaka abene batēndike ulufingo lwa Kyala ukuya lusita maka, nu lwiho lwabo. Kwīyībwa kwāmwāmbèpo! Kwīyībwa kwāmwāmbèpo ko katikti iki ikyēne kili. Muketile, abēne bībwībwe ifindu ifi.

<sup>153</sup> “O, une ndi gwa *iki*. Une—une mbobile *iki*. Une mmogile mwa Mbepo. Une nābombile *iki*.” Ena, mwe, mwe, ikyo kikaya nakyo nakimo ikyakubombapo ni kyene, komma na panandi.

<sup>154</sup> Ugwe ubagile bulebule ukuya Nkristi nukukāna i Lisyu? Ugwe ukabagila ukubomba ikyene. Kyala yo Lisyu. Linga i Lisyu lili mwa ugwe, ugwe ni Lisyu fyo fifwēne. Fyōsa ifi i Lisyu lili, ugwe uli. Ameni. Linga une ngwītugasyāmo mu ngulilo iyi, iki akayabo ka Lisyu lifingile ku ngulilo iyi, une ngufimbilisigwaga ukuya kila. Linga une nguyaga Nkristi, une ngufimbilisigwa ukulinganisigwa na fyosa ifi i Bāngèli likulumbilila nukwīmila.

<sup>155</sup> Aleluya! Mukuyaga pakungólela une mbunguluka mwikemo, mulimosa, kangi une ngwipilika mwiputi naloliloli kanunu lilino. Ena, nkulumba.

<sup>156</sup> Une ngufimbilisigwa ukulinganisigwa na kilikyosa iki i Bangeli likuyoba. Kangi Ilyēne likupa ikyēne ifyakwīyobela, kangi, linga une ngatíkigwa nu kwīyībwa kwāmwāmbèpo uku ukwa lisiku-lyāmwīsyūgu, une nguyaga kangi mbagile ukulinganisigwa ni Lyene. Linga une ngukana Ilyēne, polelo une ndinako ukwīyībwa kwāmwāmbèpo; ikindukimo kibonike, Une nītikisye ikipāngānio pamo ikimanyisyo, pamo i kipanga kimo pamo ikibugutila kya nnyambala. “Une ngabagila ukubomba ikyene,” akabalilo kako pōpe i Lisyu likwisa nukwīlingania Lyene.

<sup>157</sup> Fyōbēne Yeso akālyāganigwe. “O,” abene bikuti, “ena, unnyambala uyu yo mwikemo, kangi umputi gwitu mwikemo, u mwikemo gwitu *uyu*.”

<sup>158</sup> Kangi Yeso alinkuti, “Umwe muli ba tāta gwīnu, mōhèsi, kangi imbombo syake umwe mwīsakubombaga.”

<sup>159</sup> Ngimba umwe mwāmēnye Kaini āpēle ilikēmo ilinunu itolo, lyōpe? Umwēne āli gwanalòli-ndumbula, āyēngile ikigemo, alinkufugāma pāsi nukwīpūta, nu kupa i likēmo, nukwīpūta kwa Kyala. Kangi linga, Kyala, ikyo kyo kyosa iki Kyala ikulonda, ugwe ukuya gwa kipanga nukuya ni kigemo, nukuhomba ifyākalóngo lwāko nukubūka ku kipānga, nukwitūgāla ubūmi ubununu; linga ikyo kyo kyosa iki Umwene ikulonda, Umwene āli nsitabugolofu ukuntāga Kaini, ’nongwa yakuti umwene ābōmbīle ikindu kilakila. Ena, nkulumba. Ikyo kyo katikati.

<sup>160</sup> Lóli *bwĩpúti* kokuti “ikyakwikinga,” kangi ugwe ukabagíla ukukupililigwa ni mbombo syáko inuunu syène. Kilipo ikindu kimokyene iki Kyala isakwitikisyaga, kangi ilyo lya Lilopa lya Yeso Kristi. Ikyo kyo kyakwikinga kyene. Panja pa Ikyo, linga ugwe kuyoba, “Kyunga ikipánganio,” u kwíyíbwa kwámwámbe! Ikyo kyo iki kyáboníke.

<sup>161</sup> Lilino kétésya, abène bíbwíbwe i Lisyu lyábo. Abène bíbwíbwe i Bángéli. Abène bíbwíbwe ulufingo. Abene bikugela ukwitugasya mu lundaliko lwa ifi Methodisti áli, iki Baptisti áli, iki umunduyumo uyungi áli. Apa lo lufingo lwa lisiku ili, kangi Kyala ikuyoba Ikyene ukwisila mu Lisyu Lyake, kangi ukusimikisya ukuti Ilyene lili lúlo, kangi abène pópe batikwítika Ilyène. Kwíyíbwa kwámwámbe! Uko ko katikati kotalusya. Lósa, lósa abákwíyíbwa, naloliloli batikwítika Ikyène napanandi.

<sup>162</sup> Unsikali gwa kiFrenchi. Une nábúligwe akapango akanini; bo uswe tukáli ukwigala. Une ngámènye nukuti ukwène kwílile bo ulo, kangi une ndinago amáni kalóngo aga tusímbe apa gasyèle; ngwégága ikyène akabalilo kamo akángi. Kétésya, unsikali gwa kiFrenchi. Abène balinabo ikibugutula kya basikali ukufuma ukufuma ku bábwíte, kangi abène báli na uku ukwíyíbwa. Ikyene kyo ukufuma ku lunyomosyo, pa bwite. Kangi abène báli nu lubátiko, kangi abène—abène bákólíle kula kangi balinkubaleka abánda aba báli na baganigwa aba bayóngile ukukólèla nukukéta linga abène bábagílw ukubágània abalumiana aba. Nalumo ulusúbilo ku bène, lumo yumoywène pamo babili, ukufuma ku kyène, bákólile ikyène. Kangi polelo abène bályégile abasyále ba abène, abène báyaga pakubabíka abène ku báfigili, kúko abène bafímobilisigwaga ukwitúgala ku busyále bwa búmi bwábo.

<sup>163</sup> Abène babúkàga pamwanya pa lubafu lwa kámba, ukukwába i sitima; kangi abène bálimile pa bwímilo, ukubaleka abalumiana basóke pánja kangi bagolole amalúndi gábo. Kangi abakyúngaji balinkusóka pánja pa kámba, ukukétesya abène, panongwa yakuti nu kwíyíbwa, fiki, abène—abène bafímobilisigwaga ukubakétesya abène.

<sup>164</sup> Popápo abène balinkunketesya umwinitu unkeke pala, umwène alinkusóka pánja nukwánda ukukelengania ku lipípa lya mísi, alinkukéta mósa ukusyúngutula mu kámba. Umwène alinkwigúsyá ikisyo kyáke, kangi umwe alinkufúnda. Kangi umwène alinkukéta kángi, kangi umwène álibwène ilipípa lya mísi lila. Umwène alinkukéta mósa ukusyúngutula pa malúka, kangi umwène alinkwánda ukwénda. Mbuvo bwákuti unkyúngajia ukummwímika umwène, umwène alinkukóngèsya umwène.

<sup>165</sup> Umwene alinkubuka pamwanya pa kámba, pási akayíla akanini, alinkusyúmbutikíla ku kilílo kangi alinkubúka pamwanya ukukilania akámba akángi akanini, nu kwísa

ku katēmbē akanini aka matapwa. Umwene alinkuketesya. Ukusoka pānja pa mbenu, unnyambala unkangale ni ngili nkiboko kyake, ukusoka pānja nukusopa ingōngi syake ukusyungutila umwene. Alinkuti, “U mwanundumiana gwangu, une nāmenye ugwe kwisakugomokelāga. Abēne bālīmūlīle une ugwe gwāfwīle, lōli une nāmenye ugwe kwisakugomokelāga.” Kangi undumiāna yula alinkwīsa kwa yūmwēne. U kwīyībwa kwāke kulinkundeka umwēne. Umwēne ābagile ukwīlingānia yūyo umwēne āli. Umwēne āmēnye ukuti yula āli yo gwīse.

<sup>166</sup> O, nsikali gwa Kipingika, uyu anyomosisigwe nu kumanyisigwa ukwīngi fiyo, ifyakunyomosa fingi fiyo ifya kipānga-kipāgūke kangi ikipānganio, ni findu fya nkisu, nongwa ya fiki ugwe itolo utikusōkāpo pa maminiti manini nu kubūka kukukētēsya ukusyūngutīla i Bāngēli? Ubagile ukwēmbēla ukusyūngutīla, kangi ugwe ubagile ukwīyāga gwīmwēne ulinganisigwe apa mu Lisyu, ukuya mwitiki, limo mwa masiku aga. Ugwe lumo ukammanya Umwene. Ugwe ubagile ukwisa kwa gwimwene, bo yu mwānundumiana unsobi ābōmbīle, kangi iyāga gwīmwēne. Ugwe ubagile ukwāga ukwīlingānia kwako mu Masyu ga Kyala.

<sup>167</sup> Yumo āyobīle, ilisiku limo, pakaya patali mma, alinkuti, “Loli, Nkundwe Branham, keta kwa uswe abandu ba kiPentekosti, iki ifipanga ifinunu uswe tulinafyo. Fiki, uswe, uswe tulinabo ababombi aba bamanyisigwe.”

<sup>168</sup> Pilikisya, akabalilo kako u nnyambala ikwega u nkasi, umwene atikusubila mu bumogi bwake. Umma. Umwēne ikusūbīla mu busūbiligwe bwa lufīngo lwāke, ilisyu lyāke. Umwēne atikusūbīla mu bumogi bwāke. Umwēne ikusūbīla mu busūbiligwa bwāke.

<sup>169</sup> Kangi iyo yo njila akabalilo kāko ugwe kufika kwa Kyala, ugwe utikusūbīla mu kipanga kimo ikinywamu ikimogi ugwe ubagile ukuyenga, loli mu lufingo ulu Yeso Kristi aafingile, ukuti, “Une ne yulayula mmayolo, umwisyugu, na bwilanabwila.” Ngimba umwe mukwitika ikyo?

Unko uswe twinamisye imitu gyitu itolo pakabalilo.

<sup>170</sup> Une nguswiga, ikilo iki, mu nyumba apa kūko abandu bītugesye, kūko balipo abanyāmbāla na bakīkūlu aba bali Basyēpwa, bāndu aba batalwīle-kwa-Syēpwa, kangi ugwe umenye ukuti ilisiku limo pamo ilīngi ugwe kufimbilisigwa ukwagana na Kyala. Kangi une nguswīga linga ugwe gwāli akatūyi akanini ka kwīyībwa kula, kangi ugwa gwābagile. . . Ugwe ufumile pakwīlingānia fīndu fisobi, kangi ugwe ubagile—ugwe kulonda u luko ulwa kubēla ukusyungutila, ikilo iki, nukusyagania linga ugwe ukabagila ukulinganisigwa mwa Kristi Yeso? Ngimba ugwe ubagile ukufyusya ikiboko kyako, yoba, “Nyīputīla une, Nkundwe Branham, une—une ngulōnda ukulinganisigwa ukuya Nkristi ugwanaloliloli, u mwitiki

ugwanalolili.” Kyala akusaye ugwe. Kyala akusaye ugwe. Akusaye ugwe! O, ena, kubutali ukusyungutila. U Ntwa Kyala akusaye ugwe.

<sup>171</sup> Umunduyumo mmwanya umo, ugwe kuyoba, “Nkundwe, une naloliloli ngwitika ikyo kyo Bwanaloli. Une ngwitika, ukuya Bakristi, uswe tukaya baKristi bo abene bālisibīle ukuya ifyinja ifi fikindilepo.”

<sup>172</sup> Bule umwe bāndu ba kiPentekosti, akabalilo kākō abāmāma na bātāta bālisibīle ukwīma pa lukīndi panja apa, nukukuba i tamborini yayolo. Kangi u māma gwāko, mūmo umwēne āfimbilisigwāga ukuya...umwēne alinkufimbilisigwa ukuya nkatale, nukusukulika na ugwe bāna banini. Utubalilo tumo ugwe gwafimbilisigwaga ukubuka kisita myenda, na filifyosa ifingi, lōli tāta na māma bāli basūbiligwa ku Nōngwa, ukunkolela mmwanya Kristi.

<sup>173</sup> Kēta iki umwe bandu ba kiPentekosti mwābombile. Ifyinja malongo mahano ifi fikindile, umwe mwāsōkile ukufuma ku kipanganio. Ikyo kyo iki kikipela umwe ukuya Pentekosti, umwe mwālipāgwīle mwibene ukufuma ku basitakwitika. “Kangi ukufwana ngulube ku ndipa, ni mbwa ku matesi,” umwe mubūkile kulakula ukugumokēla kangi mubōmbile filafila, mutēndike uluko lulalula lwa bufulugania umwe musōkileko. Ngimba kyo fiki kitamisye? Ukwīyībwa kwām wāmbèpo kwābalanile pakati pa bāndu. Ugwe uli ni fimanyisyo fyāko kangi ifikalatasi fyakipanga-kipāgūke lilino, kangi ugwe uli itolo mmwanya na bosa ba abene, kulonda ukuya na bosa ba abene. Umwe mwālītikīsye abakīkūlu bīnu ukutumula inywīli syābo, ukupaka ilāngi. Umwe, umwe mubītikisya abēne ukubōmba fyōsa ifindu ifi, ukwītikisya fyōsa ifindu ifi mu i—mu fipānga. Ngimba kyo fiki ikyēne? Ukwīyībwa kwām wāmbèpo.

<sup>174</sup> Polelo, ikindu kyakwanda umwe mumenye, akabalilo kako Kyala ikwanda ukuyātula pakati pa bandu, polelo ngimba fiki fikuboneka? Umwe mukabagila ukwāmbilila ikyēne. Muketile, umwe mubinile fiyo nu kwīyībwa kula, muketile, ikīndu kyēne umwe mupilikemo siku. Ngimba umwe mutikwinogona ukuti umwe mwabagile ukusokapo pa kimanyisyo kila itolo ku maminiti manandi nukupimba ili Bangeli, nukukēta iki u Nkristi abagilile ukuya ndīnganisigwe ngati? “Ifika ifi fisakukongaga abene aba bikwitika!”

<sup>175</sup> Imbombo, Peteri āyobīle, “Pinduka, aligwesa gwa umwe, kangi mosigwege mu Ngamu ya Yeso Kristi kubufyule bwa mbibi, kangi umwe mwisa kwāmbililaga ikyabupi kya Mbepo Mwikemo; kabuno ulufingo luli kwa umwe, kangi abana binu, kangi bala aba bali kubutali, bope na babingī aba u Ntwa Kyala gwitu isakubakolelaga.” Linga abēne bikukubūla ugwe Ikyo kikaya bo ulu, polelo untimi gwāko ali ni mbūngo imbībi ya kwīyībwa kwām wāmbèpo. Umwene akabagila ikwīyāga mwene

ikwilingania ni Kipānga kila; komma ikipaguko; i Kipānga, u Mbili gwambutitu gwa Kristi.

<sup>176</sup> Lilino u Mbepo Mwikemo ali apa. Umwēne ali apa ukubomba itolo katikati iki Umwēne afingile ukubomba. Lilino bo umwe muli apa ni mitu gynu ginamisigwe, itolo umilisyaga ukwiputa. Unko u Mbepo Mwikemo ayobe, Mwene. Kangi kēta linga iki . . . Aligwesa amenye ikyo, u lufingo, iki ikylene kili ku lisiku ili. Lilino umwe mwe muli mulufūmbwo, ikilo iki, umwe, mwe bingi ba umwe mufyusisye ifiboko fyinu. Bo umwe mukāli ukubomba ikyo . . .

<sup>177</sup> Une nguswiga, akabalilo kako uswe tuli apa kangi naloliloli tukwiputula ababine, une nguswiga linga ugwe ubagile ukusokako ku busitalwitiko lula, ikipanga-kipāgūke kila, ikimanyisyo kila iki kikukubūla ugwe ifindu ifi fikaya bo ulo, kila kimo iki kibagile ukukubula ugwe Ikyene kya mōhesi. Akabalilo kako abēne bikubomba ikyo, “Abene batisakuhobokeligwamo siku, nkisu iki pamo ikisu iki kikwisa.” Bule linga Iki kyo Bwanaloli? Inogona itolo, bule linga Ikyene kili, polelo ugwe uli kugu? Muketile, ugwe utikufimbilisigwa ukuyoba ikylene panja; itika itolo ikylene mu ndumbula yako. Kangi balipo abandu apa aba bikwitika ikyo. Une nitūgēsye apa, kuli ikilo ibili isi syākīndāga, ngusukulika pāsi pa kindukimo, itolo, mwe, ukwikola nukuluma ululimi lwāngu, ukwikyūnga ukuti ndingakōlelāga ikyēne palapala panja.

<sup>178</sup> Kangi kumbukilāga, mwinangu, ikyēne kyo pakati pa ugwe na Kyala. Bule linga ikyēne kisōbi, kangi ugwe kwīnogōna ikyo? Umwe mumenye iki kikuboneka, ugwe utisakuhobokeligwāmo siku panongwa ya kyene. Ukwīyībwa kwāmwāmbēpo, ugwe kwīsakubūka mulamula nkyēne mu bufwe Bwāsypwa bwāko, ubusitalwītiko. “Umwēne yūyo atikwitika mma yo atalile atāgigwe!”

<sup>179</sup> Lilino iputilaga ububine bwinu, yoba, “Gwentwa Yeso, Ugwe ufingile. Une . . .”

Lumo bahesya bamo apa, aba bakayamo siku apa pabutasi.

<sup>180</sup> Yeso afingile, “Mumo ukwene kwayilile,” Une ngwegaga i Lisimbo limolyene, “mmasiku ga Loti,” akabalilo kako Kyala abonike pabwelu mu mbili gwa nyama; kangi abandu, Abraham, ikibugutila ikisūngiligwa, ikibugutila ikikōleligwe-panja. Kangi i ngamu ya Abram yāsanusigwe kwa Abraham, polelo umwene alibwene i Lisyu lilinkutendekigwa ukuya mbili, kangi Ilyēne linkumanya aminogono aga gāli mu ndumbula ya Sarah.

<sup>181</sup> Kangi akabalilo kako u Luyungu Lwabunyafyale Iwa Abraham lukwisa, ikyo kyo iki Umwene ābombile, kangi abene bālinkolīle Umwene “u mōhesi.”

<sup>182</sup> Umwene alinkuti, “Lilino akabalilo kako u Mbepo Mwikemo ikwisa, isakubombaga ikindu kilakila.” Alinkuti, “Lilino lulipo uluhobokelo akabalilo kako ugwe kungōlela Une kila, loli,

akabalilo kako ugwe kuyoba ukulwana nu Mbepo Mwikemo, kukayapo nu luhobokelo.”

<sup>183</sup> Lilino Umwēne, mu Maka Gāke, alīsaga ukukīnda mu kilūndilo iki ikya bāndu, kulikosa kūko umwe muliko, kangī nu kumanyila-ngānila Kwake kwāmwāmbepo ukunangisya ukuti Umwene yo Lisyu. Popāpo ukuti linga balipo balibōsa apa bikukubilwa nu kwīyībwa, ukuti abēne batisa... bisakuyaga kisita bulēyelo, pankyeni pa kigemo iki kitēndekigwe.

<sup>184</sup> Untwa Kyala alitūlaga. Lilino ni mitu gyinu ginamisigwe, nuluyindiko tukwīputa.

<sup>185</sup> Muketile, alipo unkikulu itugesye apa pankyeni pangu. Umwene alinago amaboko gake ku kisyo kyake. Umwēne ikukubilwa na kayīlo ka lugōngolomia. Kangī umwēne yo yōpe ali nu lutēnde. Umwene ali nu lutamio lwa munda. Kangī umwene itugesye apa pankyeni pa une lilino. Kangī umwēne abagile ukumanya, umwēne akafuma ikīsu iki. Umwēne afumile ku kāya kakukōleligwa Macon. Ena. Ngimba ugwe kwitika Kyala abagile ukumbula une ukuti ugwe gwe ywani? Ugwe gwe Missi Ayers. Linga isyo ndalusye, fyusya ikiboko kyako. Une ndinhesya kwa ugwe. Ikyo kyabwanaloli, bule ikyēne? Lilino ulutamio lwako lumalike. Yeso Kristi; ugwe upalamasisye umwenda Gwake. Umwene atendike ugwe uyege kanunu. Lilino itikaga itolo ikyene.

<sup>186</sup> Alipo unnyambala itugesye ku nyuma ya nyumba iyi. Umwene ikulondesa ulosyo lwa Mbepo Mwikemo. Umwene ikulonda ulosyo nu Mbepo. Umwene ikwima apa pankyeni pa une. Umwēne akaya gwakufumila kuno mma, yōpe. Umwēne yo ukufuma ku Carolina, Charlotte. Lepoe yo ngamu yāke. Itika ni ndumbula yako yosa, kangī Kyala isakwīsusyaga ugwe na Mbepo Mwikemo, nkundwe gwangu—gwangu, linga ugwe kwitikaga ikyene.

<sup>187</sup> Apa, ukukilania ku kilīlo kyāngu, apa alipo u—u nnyāmbāla nu nkasi gwāke itūgēsye palapala nkyēni myāngu apa. Abēne ba bakāngale babili, ku kilīlo kyāngu. U nkīkūlu ikukubilwa na kayīlo ka māla amanywāmu. Undume gwāke ali nu lutamio lwa ndūmbula. Abēne bakaya bakufuma apa mma. Abēne ba kufuma ku Tennessee. Tata. na Nka. Thomas, linga umwe mukwitikaga ni ndumbula yīnu yosa, fyusya amaboko gīnu kangī umwe mubagile ukwitikisya ulubumbulusyo lwinu. Yeso Kristi ikubapela umwe ukuya kanunu. Ikyo kyo katikati iki Umwēne āfingile ukubomba. Loli une ngababonamo siku abandu mbumi bwangu.

Kwīyībwa kwāmwāmbèpo!

<sup>188</sup> Yeso alinkuti, “Imbombo isi Une ngubomba mwisakubombaga umwe numwe. Nkabalilo kanini, kangī ikisu kitisakumbona Une kangī'mma; loli umwe mwisakumbona Une, kabuno Une,” pulonauni ya ubwenenakyo, “nisakuyaga

na umwe, mope nkati mwa umwe, kukubumalikisyo bwa kisu.”  
 “Yeso Kristi yo yuyo mmayolo, umwisyugu, na bwilanabwila.”

<sup>189</sup> Lilino, ku banyambala na bakikulu muno, aba itolo balinakyo i kindukimo kisobile na ugwe, ukuti ugwe itolo ukabagila ukukēta mūmo... Ugwe, ugwe kulonda ukwitika, lōli ugwe itolo ukabagila ukwīngila mu kyēne, kangi ugwe kulonda ukuti gwiputililigwe, ugwe kulonda ukummwitika Umwene akabalilo kako ugwe uli mu Kuyapo Kwake, ngimba ugwe kwisaga nukwīma papapa apa kifuki na une, unko une nīputile nukubika amaboko pa ugwe. Linga ugwe ubagile ukwisa papapa pamwanya apa lilino, umwe mwe mukukubilwa bo ulu, nu kwīyībwa kwāmwāmbēpo, kangi mubagile ukulōnda ukwīputiligwa, ukuti umwe mwābagile ukuya bābūke ukufuma ku kila. Linga ugwe ukaya yo—ukaya mwitiki, loli kulonda ukwiputililigwa, isaga pamwanya apa nukwima. Kyala akusaye ugwe, nnyāmbāla nkeke. Umunduyumo uyungi ikwisa? Kyala akusaye ugwe, nkikulu. Isaga. Kyala akusaye ugwe, nkikulu ntubwa. Umunduyumo uyungi ikwisa? Isaga, ima papapa pamwanya apa, itolo lilino.

<sup>190</sup> Ukwīyībwa kwāmwāmbēpo, une ndikulōnda ukuya nāmbuligwe na ikyo. Kyala kānisyāga. Unko une—unke une mfwe u bufwe bwa—bwa kalikōsa, lōli nasiku ukundeka une ngufwa bula u bufwe ukuya nsitamwitiki.

<sup>191</sup> Isaga, mwitikisya Umwene lilino. Ngimba umwe mutikubomba ikylene? Isaga ukufuma apa, nukwisa ukusuluka ukufuma mu balakoni, binangu. Ukwene ko itolo mafyukilo panini pāsī apa, kangi ikylene kibagile ukusanusya ukukindana pakati pa bufwe nu Bumi, kwa ugwe.

<sup>192</sup> Keta, une ngabagila ukumpela Kristi ukubomba nakimo. Kristi atikufimbilisigwa ukubomba kalikosa loli ikindu kimokyene: Umwene ikufimbilisigwa ukwima ni Lisyu Lyake. Umwene ikufimbilisigwa ukubomba ikyo ukuti ayege Kristi, ayege Kyala. Umwene ikufimbilisigwa ukwima ni Lisyu Lyake.

<sup>193</sup> Lilino kumbukilāga, linga ugwe ukasisimikisya ikyakubonekela kyāko, nongwa ya fiki utikwīsa ukusuluka lilino. Linga ugwe itolo uli gwa kipānga-kipāgūke, linga ugwe guli mwīsukulu gwa Kipentekosti, Kyala akaya nabo nabamo abīsukulu,. Umwene ali na banabalumyana na banabalindwana, loli akaya na bīsukulu-balindwana kangi -banabalindwana. Muketile? Kyala akaya nabo abo. Umwene itolo ali na banabalumiana na banabalindwana, kangī ugwe umenye ukuti ugwe ukaya.

<sup>194</sup> Lumo ugwe uyobile mu ndimi, ugwe ubagile ukuti umogilemo, ugwe ubagile ukuti ubombile fyosa *ifi*. Ikyo kyo kinunu mosa. Une ngaya nakyo nakimo ikyākulwana ni kyēne. Lōli pōpe linga ugwe ukāli uli nu kwīyībwa kwāmwāmbēpo kula, isaga pankyeni ukusuluka, kangī isa apa nu kwīma



apa. Unko uswe twipute ukufwana ni kyene. Ngimba ugwe kuyoba fiki? Mbakasya ya kipanga, itolo u—itolo u mbakasya gwa kipanga ikyangamu, nongwa ya fiki ugwe utikwisa kuno nukukileka ikylene lululu lilino?

<sup>195</sup> Une ndikulōnda ukusōkamo mu Birmingham kuno, nukumanya ukuti ilisiku limo, akabalilo kākō u Bulōngi bukwiśa pala, kangi une ngufimbiliśigwa ukwīma akabalilo kala pankyēni pa umwe. . . Kumbukilāga, une nguyaga pakwāgāna na umwe kāngi. Linga une ngāgana na umwe apa pa iki, pamo une nguyaga pakwāgāna na umwe ku Bulongi kangi une ngufimbiliśigwa ukwakwamula panongwa ya iki une njobile ikilo iki.

<sup>196</sup> Lilino pilikisya. Pinduka, binangu! Pinduka, sōka panja pa ikyēne. Sōka pānja pa pala. Isaga nkyēne lilino.

<sup>197</sup> Ikyo kibagile ukutēndēka aligwēsa unkīkūlu untumulanwīli nkīsu iki, pamo ubuyo ubu, ukwīsa pamwanya apa lilino. Ūko ko katikati kotalusya. Ikyo, ukuti umwe mukaya nalyo ilipyana ilyakufwana ukuyoba naloliloli, “Une—une—une—une ngulonda, une ngulonda ukuleka inywili syāngu ukukula panja, Nkundwe Branham.” Ikyēne kibagile. . . “Une ndinalyo. . . Ena, une ngaya nalyo ilipyāna ukubōmba ikyēne.”

Fiki, ugwe kuyoba, “Ngimba ikyo kilinako kalikosa akakubomba ni kyene?”

<sup>198</sup> Apa pakaya patali mma, undumbilili ugwa naloliloli unkulumba alinkwisa kwa une, kangi alinkuti, “Une ngulonda ukubika amaboko pa ugwe, Nkundwe Branham.” Alinkuti, “Aligwesa ikukwēga ugwe ukuya nsololi.”

Une ndinkuti, “Une ngāyobilēmo siku ukuti une ndi nsololi.”

<sup>199</sup> Umwēne alinkuti, “Lōli abāndu bikukwēga ugwe ikyo. Ugwe akabalilo kōsa kuswanyulania abakīkūlu bala, isya kufwāla ibundu,” kangi—kangi, o, unnyambala gwa kiPentekosti. Kangi alinkuti, “Ukufwana ni bundu, nukusenga inywili syabo, ni findu.” Alinkuti, “Iyo yikaya mbombo yako.”

Une ndinkuti, “Ngimba yo mbombo ya ywani iyene polelo?”

<sup>200</sup> Kangi umwene alinkuti, “Abandu bala, fiki ugwe utikubamanyisya abene abakikulu mumo ukuya, ukuya ni fikūngilwa ifikulumba, nukubatūla abāndu, mbuyo bwa kugela uku. . .” Alinkuti, “Abēne bikukwēga ugwe. Iki ugwe kubabūla abēne, abēne babagile ukwitika ugwe.” Alinkuti, “Fiki ugwe utikubabūla abēne akāmbililo ka fikūngilwa ifikulumba nukubatūla abāndu, mbuyo bwa bwīla ukubakemela abēne?”

<sup>201</sup> Une ndinkuti, “Ngimba une mbagile bulebule ukubamanyisya abēne i aljebra akabalilo kākō abēne batisa nukumanyila aba ABC bābo?” Muketile? Muketile?

<sup>202</sup> Ugwe kufimbiliśigwa ukwānda ukufuma pa pāsi, pinduka pamo pyūtīgwa! Lilino ugwe ubagile ukwīfwanikisya

gwĩmwéne, pinduka pamo pyūtígwa! Yeso Kristi yo mōsanamōsa ilinganisēnie Mwēne apa, kilo ukufuma kilo. Kangi iki kyo kilo iki uswe twasanukilaga ukukilania ku bupoki ubu. Agēne go mafyūkilo manāndi pamwanya apa, kangi une ndinako akabalilo akīngi ukugūlila.

<sup>203</sup> Kumbukilaga, Birmingham, ililopa lyīnu likaya pa une. Une ne nsitanōngwa. Kangi linga ugwe naloliloli uli nagwe Mbepo Mwikemo, ugwe uli nu lusako ukwisa lilino. Kangi linga ugwe kukubilwa nu luko lumo lwa bwākipānga ubu bukupelile ugwe ukuya nu kwīyībwa kwām̄wāmbēpo, fiki ugwe utikwīsa? Yeso yo nkota. Ngimba ugwe utikwīsāga?

<sup>204</sup> Lilino abandu bamo bakilekile ikibalakoni. Une nagūlilaga ukukēta kuko abene bāli, bikusōka panja pamo ukwisa ku kigemo. Aba pāsī apa, bikwisa nkyēni ukusyungutila. Uko ko kutalusya. Umwe mwe muli apa, isaga ima ukusyungutila pa kigemo, yoba, “Une mmālisīsye na iki.” Ena, abēne basulukaga pāsī, abakikulu babili. Ikyo kyo kinunu.

<sup>205</sup> Isaga itolo nkyēni apa lilino. Itolo amafyūkilo manāndi ukufuma ku kyēne. Kangi amakata gala gabagile ukusanusya ubukindāne.

<sup>206</sup> Lilino, keta, une ngulonda ukukulalusya ugwe i kindukimo. Bule linga Umwene ikwisa ikilo iki? “O,” yoba, “Umwene atisakwisa mma.” Une ngamanya kali Umwene ali pamo mma. Iki kyo kimanyilo kyabumalikisyo. Kumbukilaga, ISI SYO IKUTI U NTWA! Ngimba umwe mupilikemo siku une nguyoba ikyo loli iki ikyene kyaali kyabwanaloli? Umwe mukukēta ikimanyilo kyinu ikyabumalikisyo. Ikyo kyo Kyammasimbo. Ugwe ukibwene ikimanyilo kyāko ikyabumalikisyo, Pentekosti. Komma ukufuluganika lilino na iki Umwene aafingile Israeli ukufuma pa Kunyakiligwa; ikyo kikaya umwe mma. Umwe mumalike, akabalilo kala. Muketile? Lilino lyo lisiku lyāko. Lilino kyo kimanyilo kyāko. Lilino ko kabalilo kāko. Komma ukukāna Ilyēne. Komma ukubomba ikyēne. Ugwe kinunupo gwisege. Ugwe kwitika une ukuya gwambombo gwa Kyala? Kumbukilaga.

<sup>207</sup> Birmingham, une ngāganāmo siku na bāndu abanunupo. Umwe mwe bāndu banunu ukukīnda une mbagile ukulōnda ukwāgāna mbūmi bwāngu, lōli umwe mukufūmbwa uluyigo. Umwe mukufwa. Umwe mukwēga ukwīyībwa kwām̄wāmbēpo. Umwe mukufwa. Komma ukubōmba ikyo. Yiga kila iki umwe muli nakyo. Twala ikyene mmwānya kangi, mbibimbibi, bo Yeso akāli ukwisa.

<sup>208</sup> Umma ndaga, akabalilo kako abene bali...Umilisyaga ukwisa. Itolo baleka abene bakyungege ukwisa mpaka uswe twesa, ukuti u Ntwa ikukōlela, pamwanya apa. Isaga lilino.

<sup>209</sup> Sosyāmo kula u kwīyībwa. U Ngānga unkulumba ali apa lilino ukubūmbulusya ikyo, sōsyapo ikyēne ukufuma kwa

ugwe. Umwene asisimikisye ukuti Umwēne ali apa. Balinga bisakulinganiaga ikyo, ukwisila mu kufyusya ikiboko kyako, kuyoba, “Une naloliloli ngwitika ikyene; ukuti Umwene āyobīle Umwene ikubombaga iki”? Muketile? Lilino Umwene ali apa. Muketile? Muketile? Ugwe itika.

<sup>210</sup> Kangi balinga bamenye ukuti une ngubabula umwe u bwanaloli, ukuti umwe mukufwa kangi mukufūmbwa ulusasanio? Muketile? Ikyene kyo bwanaloli.

<sup>211</sup> Umwe muli bāndu banunu. Ugwe ukagagila ukwāgamo nabamo abanunupo. Sikayapo nasimo indumbula inunupo sikutika, ukukīnda kūsi kwa mashāti gaiyolo aga a Gakwitōngo pāsi apa. Uko ko kotalusya, abāndu bānalōli! Lōli, mwe bāndu, umwe kinunupo sumuka, nakalinga itolo! Mu sala iyi umwe mutikwinogona, ikyene kibagile ukuboneka. Ikyene kibagile ukusita kuboneka; une ngamanya.

<sup>212</sup> Lōli, kumbukilaga, umwe mukwēga ikimanyilo kyīnu ikyābumalikisyo, popāpo bōpa bo umwe muli na kabalilo ukubōpa. Isaga lilino. Akabalilo kosa aka abene bikwisa, une ngumilisyaga ukugūlila, panongwa yakuti lumo. . . U mōyo gumogwēne go gukūla ifisu maeilifu kalongo. Kangi akabalilo kōsa abānda bikupilikisya. . .

<sup>213</sup> Une ngulōnda ukukēta iki kikubalanila mukuya luyigo ulukulumba ulunywāmu ulu lubagile ukubīka ikipānga kilikyōsa ukusyūngutila kuno; linga umwe mubagile ukubongotolania mōsa ubukīndāne bwīnu nukusōsyāpo bōsa bula ubupafu, nu kwītikisya u Mbepo Mwīkēmo. Umwe mwīyobile ukuti umwe mukwitika Ikyene. Umwe mwāliyobile ukwītika Ikyēne, kangi, akabalilo kāko Ikyēne kikwīsa ukwīlīngānia Kyēne, polelo umwe mwisakwīlūsānia ukufuma kwa yumo nu nnine. Nongwa ya fiki tutikulūngisānia indūmbūla syītu ni Lisyu lya Kyala nu kwītika u Bwānalōli? Ikyo kyo iki. Umwe mwisa itolo ukūmilisya ukufwa, kufwa, kangi umwe mukubuka itolo panja mu Laodikiya. Katikati iki Umwene āfingile, Ikyene kikuyaga mu njila yila. Ngimba ugwe utikwisaga lilino? Lilino lyo lisiku. Lilino ko kabalilo ka kwitikisigwa. Kētēsya iki u Mbepo Mwīkēmo ikubombaga.

<sup>214</sup> Lilino une ngulōnda abalumbilili bosa apa, aba bikulōnda abandu aba, isaga biputile nanine, bope. Isaga pamwanya apa, abalumbilili bosa aba bīkyēlile mbāndu aba. Isaga, itolo isaga papapa ukusyungutila, kangi ukwingila nkatī mbandu, u ndūmbilili, pamo u mbōmbi gwa pīmwenē, u mbōmbi unnunu gwa pīmwenē, abakīkūlu aba babagile ukwīma na bakīkūlu aba lilino. Une nguyaga pakwītika, ni ndumbula yāngu yōsa, ukuti u Mbepo Mwīkēmo ikuyaga pa kwīsa pa buyo ubu papapa apa lilino kangi itolo ukwīlīngānia Mwēne lōsa pakati pa bāndu aba.

<sup>215</sup> Lilino unko une mbalagile abāndu aba apa, tāsi. Lilino, binangu, kilikyosa umwe mwīsilw apa, Umwēne amenye.

Kangi une mbagile ukusisimikisya icyène kwa umwe, Ikyène kisakwégaga, yumo mwa yumo, ukukutwala ugwe pamwanya apa pa kigemo iki, kangi kutisakuyangapo ikindu kimokyene iki Umwene atisakuténdeka ukumanyigwa'mma. Lilino ikyo kyo ukufuma pāpo une nāli ndumiana nnini. Ikyābupi kila kikaya mu lilālúsyo mma. Lōli ililālúsyo lyo, ngimba umwe mubagile ukwambilila icyène? Ngimba umwe mukwitika icyene? Lilino Umwene ali apa. Ena, linga Umwene ali apa, polelo kilipo ikindu kimokyene itolo, Umwene ikwima ni Lisyu Lyake. Polelo itika itolo ukuti ugwe kwaambilila icyene, nukwitikisya icyene, nukufyusya mmwanya nukuyoba, “Ntwa Kyala, une ndi apa ukwitikisya icyene,” kangi itolo syala pala mpaka icyene kikuboneka.

<sup>216</sup> Bo yu Buddy Robinson alinkuyoba akabalilo kamo, mu ngunda gwa filombe. Umwene alinkuti, “Ntwa, linga Ugwe utikumba une u Mbepo Mwikemo, akabalilo kākō Ugwe kugomokela Ugwe kwisakwāga ikilūndiko sya fifupa filāmbalēle papapa apa.” Umwēne āli katilati gwākugūlila. Kangi umwe mutisakwāmbililāga kalikōsa ukufuma kwa Kyala mpaka ugwe kufika pakufūmbwa ukufikapo.

<sup>217</sup> Lilino, ngimba umwe mukētēsise icyakubyāla kya mwīsyūgu, ngimba umwe mukētēsise umwīsyūgu iki uswe tukubōmba? Uswe, nālōli, uswe tulinagwe Kyāla gwakufikapo ukusyūngutila uswe mpaka kūko uswe tukwīsa pa mwanya pa kigēmo, uswe tukuyoba, “Ena, lumo une kinunupo nīse pamwanya.” Lilino ubu bo bwīsibile bwa kīsu-kyōsa. “Ena, une kinunupo mbūke mmwanya kangi nīme.” Yoba, “Ena, ena, une ngamanya. Apa une ndipo, muketile.” Hum! Bo buyo buki ukuyamo! Gukayapo u mōto gukupya. Bukayapo ubwīgūte. Akayapo nayumo u “būka mu Kyēne!” Kangi, ukuya ndumbilili, ikyo itolo kikungoga une ukukēta abandu ba Kyala mbubumbe bula. Uswe tubagisenie ukuya pa moto.

<sup>218</sup> Loli, umwe muketile, kyo fiki icyene? Ikyene kyo katikati iki une mbabulile umwe. Busetuli 3, “Umwe mulūngwile. Kangi,” Umwene alinkuti, “panongwa yakuti umwe mulūngwile, polelo une nguyaga pakubafunya umwe ukufuma nkanwa Mwangu.” Uko ko kotalusya? Ikyo kyo iki Umwene āyobila. Kangi, linga Umwene āyobīle ikyo, ikyo kyo iki Umwene ikubombaga. Polelo unko uswe tulingayaga kilundilo kila.

<sup>219</sup> Ugwe uli apa, mfūmbwe. Unko uswe tukyāge Ikyène, pamo tufwe, papapa apa. Uko ko kotalusya. Unko uswe tukyāge Ikyène, pamo tufwe.

<sup>220</sup> Lilino, nkundwe gwangu umpala, kalumbu, linga une mbagile ukwisa pāsi nukutūla ugwe kubomba ikindukimo, une naloliloli ngusisimikisya icyene. Lilino, ukwīsila ikikūngilwa, une mbagile ukukubula ugwe iki ugwe gwīsile apa. Une mbagile ukukubula ugwe ifi fyo, ukwisila mwa Mbepo Mwikemo, mwa Mbepo gwa Kyala, ukukubula ifi ugwe gwīsile, iki ugwe

ubombile, iki kikuyaga nkyeni, pamo ikindukimo bo ikyo; loli ikyo kitikukipâkisyâ ikyene. Ugwe kufimbilisigwa ukwitikisyâ Iki, gwimwene. Ikyene kibagîle ukuya ugwe!

<sup>221</sup> Lilino ngimba umwe mwitendekisyey? Fyusya ikiboko kyako, yoba, “Une nîtendekîsyey. Une nîtendekisyey ukufwa papapa apa.” Lilino komma ukubomba ikyene pene pápo ugwe kusanusya ikyene. “Une nîtendekîsyey ukufwa papapa apa, pamo ukwêga ifi une ngulonda ukufuma kwa Kyala.” Ameni. Ngimba umwe naloliloli mwitendekisyey?

<sup>222</sup> Polelo unko ikilundilo kîme, kulikosa. Lilino palikimo, palikimo, unko uswe twîbûngàne twibene palikimo. Unko uswe twipute. Kangi unko uswe itolo... Umwe balumbilili lilino endaga ukufika ku bandu aba apa, aligwesa, kangi ugwe kwimilila amaboko ga Kristi lilino.

<sup>223</sup> Ugwe gwe kulonda u Mbepo Mwikemo, ugwe uyu ikulonda ubwendelemo bula, komma ukunyenyesigwa mwakitima; ugwe kulonda u Mbepo Mwikemo, u Bumi, indumbula ya Bumi nkati mwa ugwe. Kangi ugwe kulônda ukusôsyâmo kula ukwîyîbwa kûko kukupela ugwe—ugwe ukabagîla ukwîlîngània gwîmwène; ugwe utikumanya kûko ugwe kwîma; ugwe ukamanya iki ugwe guli; unko uswe tusosyêpo ikyene lululu lilino! Bulipo u Bupâpîgwe ubupya apa kuli ugwe, ubwânalôli, u Bupâpîgwe bwanaloliloli ubupya.

<sup>224</sup> Lilino unko uswe tubîke amaboko gîtu pa bându aba. Unko uswe, aligwêsa, fyûsya amaboko gîtu nukwîpùtila nu lufwâno lumolwène.

<sup>225</sup> Tâta Gwakumwanya, mu Ngamu ya Ntwa Yeso, tupaga, Ntwa, ukuti mu Ngamu ya Yeso Kristi, ukuti u Mbepo Mwikemo ikwisaga ikilo iki, ikilo kya Mpyagilo iki, kûko u Mbepo Mwikemo âgwîle ngati u mbelo ugwamaka umbopabopa. Abându aba bali ôsigwa mwa Mbepo Mwikemo. U Moto na Maka ga Kyala gulisitaga ukubaleka abene. Linga abene bali apa ndubunju, balisyalaga abene, ukusyala mpaka u Mbepo Mwikemo ikwisa.

<sup>226</sup> Iyo yo fundo! Ikyo kyo kyene! Pala Ikyene kili. Uyo yo Mbepo Mwikemo ikwisa. (Une mbombile ikyene. Une mmenye ikyo.)

Ikyo kyo kyosa. Itika Ikyene lilino! Itikisyâ Ikyene! Yaga bisusîgwe ni sayo Syâke.



*KWĪYĪBWA KWAMWĀMBĒPO* KYA64-0411  
(Spiritual Amnesia)

Ubulumbilili ubu butwaligwe nu Nkundwe William Marrión Branham, ubu pakwanda bwatwaligwe nki Ngereza pa Mpyagilo namayolo, Epurelo 11, 1964, ku National Guard Armory mu Birmingham, Alabama, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabānisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)